


詩。

寄贈

文苑英華

二百五十一至二百六十



文苑英華卷第二百五十一

詩一百一

寄贈五

杜甫十三首

李白十八首

投贈韋左相

時兼兵部尚書  
云聽履上星辰

杜甫

鳳歷軒轅紀龍飛四十春八荒開壽域一氣轉洪鈞霖雨

思賢佐丹青憶舊

集作老

臣

公之先人遺風  
餘烈至今稱之

應圖求駿馬驚

世集作

得騏驎

沙汰江湖

集作河

濁調和鼎鼎

新章賢初相

漢范叔已歸秦盛業今如此傳經固絕倫豫章深出地滄

海閣無津北斗司喉舌東方領耨紳持衡留藻鑑聽復上

星辰獨步才超古餘波德照隣聽明過管輅尺牘倒陳遵

豈是池中物由來席上珍廟堂知至理風俗盡還淳才傑

俱登用愚蒙但隱淪長卿多病久子夏索居頻回首驅流

俗生涯似衆人巫咸不可問鄒魯莫容身感激時將晚蒼



茫興有神為君集作歌此曲涕淚在衣巾

贈韋佐丞文濟

前人

左轄頻虛位今年得舊儒相門韋氏任集作經術漢官集作

須時議歸前列天倫恨莫俱鴿原荒宿草鳳沼接亨衢有

客雖安命衰容豈壯夫家人憂几杖甲子混泥塗不謂矜

餘力還來謁太巫歲寒仍顧遇日暮且踟躕老驥思千里

寒集作鷹待一呼君能微感激亦足慰榛蕪一作折骨

奉贈嚴八閣老

前人

扈從集作扈聖登黃閣集作明公獨妙年蛟龍得雲雨鵬

鷲在秋天客禮容踈放官曹許集作接聯新詩句句好應

任老夫傳

路逢襄陽楊少府入京城戲題四韻附呈揚四員外集作

甫赴華州日許負外為求茯苓

前人

寄語揚負外山寒少茯苓歸來稍暄暖當為斲青冥翻動

龍蛇集作窰封題鳥獸形兼將老藤杖扶汝一作醉初醒

寄高三十五詹事

安穩高詹事兵戈久索居時來如一作官達歲晚莫情踈

天上多鴻鴈河集作中足鯉魚相看過半月集作不寄一

行書

寄李十二白

會稽賀知章一見白

前人

昔年有狂客號爾謫仙人筆落聞集作風雨詩成泣鬼神

聲名從此大汨沒一朝伸文彩承殊渥流傳必絕倫龍舟

移棹晚戩錦奪袍新白日來深殿青雲滿後塵乞歸優詔

許遇我夙集作心親未負幽栖志兼全寵辱身戲集作談

憐野逸嗜酒見天真醉舞梁園夜行歌泗水春才高心不

展道屈善無隣處士禰衡俊諸生原憲貧稻梁求未足意



以謗何頻五嶺炎蒸地三危放逐臣幾年遭鵬鳥獨立  
向麒麟蘇武先還漢黃公豈事秦楚筵辭醴日梁獄上書  
辰已用當時法誰將此義陳老吟秋月下病起暮江濱莫  
恠思波隔乘槎與問津

贈比部蕭郎中十兄

甫從  
姑子

前人

有美生人傑由來積德門漢朝丞相系梁日帝王孫蘊藉  
為郎父魁梧乘哲尊詞華傾後輩風雅藹孤騫宅相榮姻  
戚兒童惠討論見知真自幼謀拙媿諸昆漂蕩雲天闊沉  
埋日月奔致君時已晚懷古意空存中散山陽鍛愚公野  
客集作  
谷村寧紆長者轍歸老任乾坤

同元使君春陵行并序

前人

覽道州元使君結春陵行兼賊退後示官吏作二首志之  
日當天子分憂之地効漢官良吏之目今盜賊未息知民

疾苦得結輩十數公落落然參錯天下為邦伯萬姓吐氣

天下少一作  
小安可待已一作  
笑不意復見比興體制微婉頌

挫之詞感而有詩增諸卷軸簡知我者不必寄元

遭亂髮盡白轉衰病相榮一作  
絲沉聯集作  
絲盜賊際狼狽江

漢行歎時藥力薄為客羸瘵成吾人詩家秀博采世上名

粲粲元道州前聖畏後生觀乎春陵作歛見俊哲情復見

覽集作  
覽賊退篇結也實國禎賈誼昔流勸匡衡常引經道州

哀一作  
憂黎庶詞氣浩縱橫雨章對秋月一作  
流水一字借華星

致君唐虞際淳朴憶大庭何時降璽書用汝集作  
爾為丹青

獄訟永衰息豈唯偃甲兵悽惻念誅求薄斂近休明乃知

正人意不苟飛長纓涼殿振南岳之子寵若驚色阻金印

大興含滄浪清我多長卿病日夕思朝廷肺枯渴太甚漂

泊公孫城呼兒具紙筆隱几臨軒楹作詩呻吟內墨澹字



歌傾感彼危苦詞庶幾知者聽永衰息

永州本  
作久

寄薛三丈郎中據

前人

人生無賢愚飄飄

集作飄飄

若埃塵自非得神仙誰免危其身

與子俱白頭没没

集作没没

常苦辛雖為尚書郎不及村野人

憶昔村野人其樂難具陳藹藹桑麻交公侯為等倫天未

厭戎馬我輩本常貧子尚客荊州我亦滯江濱峽中一卧

病瘡癘經冬春春復加肺氣

一作復加  
肺氣疾

此疾

集作病

蓋有因

早歲與蘇鄭痛飲情相親二公化為土嗜酒不失真余今

委脩短豈得恨命迺聞子心甚壯所過信席珍上馬不用

扶忽

集作每

扶必恕嗔賦詩賓客間揮灑動八垠乃知蓋代

手才力老益神青草洞庭湖東浮滄海潛君山可避暑况

足采白蘋子豈無扁舟往復江漢津我未下瞿唐空念禹

功勤聽說松門峽吐藥攬衣巾高秋却束帶鼓枹

集作枹

視

清旻鳳池日澄碧濟濟多士新余病不能起健者勿逡巡  
上有明哲君下有行化臣

贈虞十五司馬

前人

遠師虞祕監今喜識玄孫形象丹青逗家聲器宇存淒涼

憐筆勢浩蕩問詞源爽氣金天豁清談王露繁佇鳴南岳

鳳欲化北溟鯤文

集作文

態知浮俗儒流不異門過逢聯客

位日夜倒芳罇沙岸風吹葉雲江月上軒百年嗟已半四

座敢亂喧書籍終相與青山隔故園

戲簡鄭廣文

前人

廣文到官舍置馬堂階下醉即

集作則

騎馬歸頗遭官長罵

才名四十年坐客寒無氈近

集作賴

有蘇司業時時與酒錢

奉贈李八丈判官

照

前人

我丈時英特宗枝神光後珊瑚市則無駮驥人得有早年



見標格秀氣衝一作通星斗事業富清機官曹貞獨守頃來  
樹佳政皆已傳衆口艱難體貴安冗長無敢取區區猶歷  
試烟烟更持久討論實解願操割紛應手篋書積諷諫宮  
闕限一作浪奔走入幕未展材秉鈞孰爲偶所親問淹薄一作集泛  
愛惜衰朽垂白慕一作亂南翁委身希北叟真成窮轍鮒或  
似喪家狗秋枯洞庭石風颯長沙柳高興激荆衡知音爲  
迴首

毒熱寄簡崔評事十六弟

前人

大火一作暑運金氣荆揚不知秋林下有塌翼水中無行舟  
千室但掃地閉關人事休老夫轉不樂旅次兼百憂蟻地  
暮偃蹇空牀難暗投炎宵惡明燭况乃憶一作懷舊丘開襟  
仰內弟執熱露白頭束帶負芒刺接居成阻脩何當清霜  
飛會子臨江樓載聞大湯義諷興詩家流蘊藉異時輩檢

身非久

集作苟

求皇皇使臣體信是德業優楚材擇杞梓大

宛

集作漢苑

歸驂騮短章達我心理待識者等

贈張相鎬二首

時避難病在宿松山作

李白

神器難竊弄天狼窺紫宸六龍遷白日四海暗紅塵  
昊穹降元宰君子方經綸澹然養浩氣歛起持天鈞秀骨  
象山岳英謀合鬼神佐漢解鴻門興唐思退身擁旄秉金  
鉞伐鼓乘朱輪虎將如電霆惣戎向東巡諸侯拜馬首猛  
士騎鱗澤被魚鳥悅令行草木春逢聖集作聖智不失時建功  
及良臣醜虜安足紀可貽悃與巾倒瀉溟海珠盡爲入  
幕珍馮異獻赤伏鄧生歛來臻至集作廢同昆陽舉再觀漢  
儀新昔爲管將鮑中奔吳隔秦一生欲報主百代期榮親  
其事竟不就哀哉難重陳臥病古松滋蒼山空四隣風雲  
激壯志枯槁驚常倫聞君自天來目張氣益振亞夫得劇



孟七集作敵國空無人捫虱對相公願得論悲辛大塊方意  
氣何亂鼓青蘋斯言儻不合歸老漢江濱

二

家本隴西人代集作先為漢邊將功略天地中集作功略蓋天地名

飛青雲上苦戰竟不侯當年頗惆悵世傳崆峒勇氣激金  
風壯英烈遺厥孫百代神猶王十五觀竒書作賦陵相如

龍顏惠殊寵麟閣憑天居晚途未亡已蹭蹬遭讒毀想像  
晉末特萌騰胡塵起衣冠陷鋒鏑戎虜盈朝市石勒窺神

州劉聰劫天子撫劍夜吟嘯雄心日千里誓欲斬鯨鯢澄  
清洛陽水三台集作六合灑霖雨六合集作萬物無凋枯我揮一盃

水自笑何驅驅因人耻成事貴欲決良圖殘虜不言功飄  
然陟蓬壺唯有安期鳥留之滄海隅

江夏使君叔席上贈吏部二字集作史郎中前人

鳳凰丹襟裏銜出紫泥書昔放三相去今還萬死餘仙郎  
久為別客舍問何如涸轍思流水浮雲失舊居多慙華省  
貴不以逐臣疎復如竹林下而陪芳宴初希君生羽翼一  
化北溟魚

贈郭將軍 前人

將軍豪蕩有英威昔集作入掌銀臺護紫微平明拂劍朝天  
去薄暮垂鞭醉酒歸愛子臨風吹玉笛美人嬌月舞羅衣

今日相逢俱失路何年灞上弄春輝

寄集作贈崔侍御三首 前人

宛溪霜夜聽後愁去國長為不繫舟獨憐一鴈飛南海却  
羨雙溪解北流高人屢解陳蕃榻過客難登謝眺舟此處  
別離同落葉朝朝分散敬亭秋

二



長劍一盃酒男兒方寸心洛陽因劇孟託宿話曾襟但仰  
山岳秀不知江海深長安復携手再顧重千金君乃輜軒  
佐余叨翰墨林高風摧秀木驚彈落虛禽不取迴舟興而  
來命駕尋扶搖應借便桃李願成陰笑吐飛儀舌愁爲莊  
鳥吟誰憐明月夜腸斷聽秋砧

三

黃河三尺鯉本任集作孟津居點額不成龍歸來伴凡魚  
故人東海客一見借吹噓風濤儻相見集作更欲凌崑墟  
何當赤車使再往召相如

贈韋侍御黃裳二首

前人

太華生長松亭凌霜雪天與百尺高豈爲微颺折桃李  
賣搖艷路人行且迷春光拂集作地盡碧蘂集作成黃泥  
願君學長松慎勿作桃李受屈不改心然後知君子

二

見君乘驄馬知上太行集作道此地果摧輪全身以爲寶  
我如豐年玉棄置秋田草但勛冰壺心無爲歎衰老  
安陵白兆山桃花巖寄劉侍御館 前人

雲臥三十年好閑復愛仙蓬壺雖冥絕鸞鶴心悠然歸來  
桃花巖得憩雲窗眠對嶺人共語飲潭猿相連時昇翠微  
上邈若羅浮巔兩岑抱東壑一嶂橫西天樹雜日易隱崖  
傾月難圓芳草換野色飛蘿搖春煙入遠構石室選幽開  
山田獨此林下意杳無區中緣永辭霜臺客千載方來旋

贈潘侍御論錢少陽

前人

繡衣柱史何昂藏鐵冠白筆橫秋霜三軍論事多引納塔  
前虎士羅干將雖無二十五老者且有一翁錢少陽眉如  
松雪齊四皓調笑可以安儲皇君能禮此最下士九州拭



目瞻清光

贈常侍御

前人

安石在東山無心濟天下一起振橫流功成復蕭灑大賢  
有舒卷秀季葉輕風雅匠復屬何人君為知音者傳聞武  
安將氣振長平瓦燕趙期洗清周秦保宗社登朝若有言  
為訪南遷賈

江行寄崔員外宗之

前人

飄飄集作飄江風起蕭颯海樹秋登艦羨清夜挂席移輕舟  
月隨碧山轉水合青天流杳如星河上但覺雲林幽歸路  
方浩渺集作浩徂川去悠悠徒悲蕙草歇復聽菱歌愁岸曲  
迷後浦沙明瞰前洲懷君未集作不可見望遠增離憂

贈王漢陽

前人

天落白玉棺王喬辭葉縣一去未千年漢陽復相見猶乘  
飛鳧鳥尚識仙人面鬢髮何青青童顏皎如練吾曾弄海水  
清淺嗟三變果慳麻姑言時光速流電與君數盃酒可以  
窮歡宴白雲歸去來何事坐交戰

贈崔郎中宗之

前人

胡鴈拂海翼翱翔鳴素秋驚雲辭沙朔飄薄集作飄薄  
河洲有如飛蓬人去逐萬里遊登高望浮雲鬢髮如舊立  
日從海傍沒水向天邊流長嘯衣集作倚孤劍目極心悠悠  
歲晏歸去來富貴安所求仲尼七十說歷聘莫見叔魯連  
逃千金珪組豈可酬時歲集作歲苟不會草木為我儔希君  
同携手長往南山幽

贈崔諮議

前人

騏驎本天馬素非伏櫪駒長嘶起涼集作起清風倏忽凌  
九區何言西北至却走東南隅世道有翻覆前程難預圖

望君垂

集作希

翦拂猶可騁中衢

贈歷陽褚司馬

前人

北堂千萬壽侍奉有光輝先教集作稚子舞更着老萊衣  
因為小兒啼醉倒月下歸人間無此樂此樂世中稀

江上寄巴東故人

前人

漢水波浪遠巫山雲雨飛東風吹客夢西落此中時覺後  
思白帝佳人與我違瞿唐饒賈客音信莫令稀

文苑英華卷第二百五十一

登仕郎胡

柯

鄉貢進士彭

叔夏

校正

文苑英華卷第二百五十二

詩一百二

寄贈六

王昌齡三首

沈千運一首

楊凌一首

楊重玄一首

李王季友二首

薛業一首

殷寅一首

楊諫一首

孫叔向一首

張儼一首

陶翰四首

劉長卿十九首

李頎五首

為張儼贈閩使臣

王昌齡

哀哀獻玉人楚國同悲辛泣

一作

盡繼以血何由辨其真

賴承琢磨惠復使光輝新猶畏讒口疾棄之如埃塵

次汝中寄河南陳贊府

前人



汝山方聯延伊水纔明滅遙見入楚雲又此空館月紛然  
夢想不謂遠離別京邑多歡娛衡湘覽沿越明湖春草  
遍秋桂白花發豈惟長思君日夕在魏闕

贈史昭

前人

東林月來一作未昇廓落星與漢是夕鴻始來齋中起長歎  
懷哉望南浦眇默夜將半但有秋聲孤愁使心神亂一作但有秋水  
聲孤愁使心亂握中何為贈瑤草已衰散海鱗未化時各在天一  
岸

贈史修文

沈千運

故人阻千里會面非前期握手於此地當懽反作悲念離  
怨猶昨倏已二十暮疇昔皆少壯別來髮如絲不道舊姓  
名相見知是誰曩遊盡騫翥與君仍布衣豈曰無其材命  
理應有時前路漸欲少不覺生涕洟

贈李郎中

楊浚

仙郎早朝退直省臥南軒院竹自成賞階庭寂不喧焚香  
開後閣起草閣前門禮樂風流美光華星位尊榮兼朱紱  
貴交乃布衣存是日登龍客無忘君子恩

正朝上左丞相張燕公

楊重玄

歲去愁終在春還命不來長吁問丞相東閣幾時開

代賀若令譽贈沈千運

王季友

相逢問姓名亦存別時無子今有孫山上雙峯長不改百  
年一作家唯有三家村村南東西車馬道一宿通舟水浩浩  
澗中磊磊十里石河上淤泥種桑麥平坂古塚皆我親滿  
田一作主戶人是舊客舉聲酸鼻問同年十人六七歸下一作黃  
泉分手如何更此地迴頭不語淚潸然

此詩三百四十卷重出今已削去注異同為一作

贈山兄常秘書

前人



出山秘芸暑山水已再春食我山中藥不憶山中人山中  
誰密余白髮日見親雀鼠晝夜無知我厨廩貧有情盡捐  
棄土石爲同身依舍北松下一作依依不厭吾南隣夫子  
質千尋天澤拔葉新今也不材壽非智免斧斤

洪州客舍寄柳博士芳

薛業

去年鷲巢主人屋今年花發路傍枝年年爲客不到舍舊  
國存亡那得知胡塵壹起天下亂何處春風無別離

銓試後微山別業寄源侍御

殷寅

別業在微山登高望畿甸嚴冬天地肅城闕如何見藹藹

王侯門華軒

一作軒車

日遊街幸逢休明代山虜尚交戰投策

去園林率名皆拜選聖君性則哲濟濟多英彥裴楷能精

一作清

通山壽急推薦謏才其自屏薄伎忝餘眷雖承國士

恩尚乏中人援疇昔相知者今茲秉天憲朱紱何赫赫繡

衣復葱蒨

贈知己

楊諫

江南折芳草江北贈佳期江閣水復急過江常苦遲蘋白  
蘭葉青恐度先香時美人碧雲外寧見長相思

將赴東都上李相國

孫叔向

四海兵初偃平津閣正開誰知大鑪火還有不然灰

辭房相國

張僊

秋風颯颯雨霏霏愁殺栖遑一布衣辭君且作隨陽鴈海  
內無家何處歸

贈房侍御

時在新安

陶翰

志士故不羈與道常周旋進則天下仰已之能晏然褐衣

東府召執簡南臺先雄義每將

疑

立犯顏豈圖全謫君東

南遠逸意吟芳荃適會寥廓趣清波更賣綠扁舟入五湖發繫



洞庭前浩蕩臨海曲超遙濟江篇微竒忽忘返遇興將

彌年乃悟范生智集作志足明漁父賢邵臨新安者佳賞此

城邊集作佳賓日夕對層岫雲霞映情川閑居變秋色偃

卧含貞堅倚伏聊自集作自相化行藏亦推遷君其倦羽翮歲

晏歆集作亦冲天

晚出伊闕示河南裴丞

前人

退無宴息資進無當代策冉冉時歲暮坐為周南客前登

闕塞門永眺伊城陌長川黯已空千里寒氣白家本渭水

西異日同集作何所適秉志師禽回微言祖莊易一辭林壑

間共繁風塵役才明忽先進天邑多紛劇豈念嘉遁時依

依偶沮溺

贈鄭員外

前人

驄馬拂繡裳按兵遼水陽西分鴈門騎北逐樓煩王聞道

五軍集相邀百戰場風沙暗天起虜陣森已行儒服揖諸

將雄謀吞大荒金門未見謁朱紱生暉光數載侍御史稍

遷尚書郎人生志氣立所貴功業昌何以守章句終年事

蒼集作鉛黃同時獻賦客尚在東陵傍

望太華贈盧司倉

前人

作吏至西華乃觀三峯壯削成元氣中傑出天河上如有

飛動色不知青冥壯巨靈安在哉厥踪猶可望方此歎行

旅未由飾仙裝唐韻側亮切行裝也或改作仗陋矣葱隴記星壇明滅數雲

嶂良友垂真契宿心所徵尚敢投歸山吟霞經一相訪

獻寧淮軍節度使想

一作淮西將李中丞集作獻南平王

劉長卿

建牙吹角戟門集作不闌喧二十登壇衆所尊家散萬金酬士

死身留集作持一劍答君恩漁陽老將多迴席魯國諸生半在

門白馬翩翩春草細邵陵西去獵平原

以下十九首並見集本



觀校獵上淮西相公

前人

龍驤校獵邵陵東野火初燒楚澤空師事黃公千戰

集作載

後身騎白馬萬人中笳隨曉

集作晚

吹經

集作迎

邊草從前入青

集作沒寒

雲落塞鴻三十擁旄誰不羨周郎少小有

集作立奇功

漢陽獻李相公

前人

退身高卧楚城幽獨掩閑

集作寒

門漢水頭春草雨中行逕

沒暮山江上捲簾愁幾人猶憶孫弘閣百口同乘范蠡舟

早晚却還

集作歸

丞相印十年空被白雲留

落第贈楊侍御兼拜負外仍充安大夫判官赴

范陽

前人

職副旌旄重才無識量通使車遙肅物邊策遠和戎擲地

金聲著從軍寶劍雄官成稽古道

集作力

名達濟時功肅穆

烏臺上雍容粉署中含香初待漏持簡舊生風黠吏偏驚

隼貪夫輒避驄且知榮已隔誰謂道仍同念舊追連茹如謀

生任轉蓬泣憐三獻玉蒼懼再傷弓戀土函關外瞻塵

集作雲

灞水東他時一書札猶冀問途窮

奉寄婺州李使君舍人

前人

建隼罷鳴珂初傳來暮歌漁樵識太古草樹得陽和東道

諸生從南依遠客過天清婺女出土厚絳人多永日空相

望流年復幾何崖開當夕照葉去逐寒波眼閣經難受身

閑劍懶磨似鴟占賈誼上馬試廉頗窮分安藜藿衰容稱

薜蘿只應隨越鳥南翥託高柯

白夏口至鸚鵡洲夕望岳陽樓寄源中丞

前人

汀洲無浪復無煙楚客相思益

集作亦

渺然漢口夕陽斜度

鳥洞庭秋水遠連天孤城背嶺寒吹角獨戍臨江夜泊船

賈誼上書憂漢室長沙遷謫

集作謫去

古今憐



寄李侍御

前人

舊國人未歸芳滄集作洲草還碧年年湖上春悵望江南客  
驄馬西入關白雲獨何適相思煙水外惟有心不隔

對酒寄嚴維

前人

西巷嘉集作陽和衰顏對酒歌懶從華髮亂閑在白雲多  
郡簡容垂釣家貧學弄梭門前七里灘集作早晚子陵過

至饒州尋陶十七不在寄贈

前人

謫宦投東道逢君已北轅孤蓬向何處五柳不開門去國  
空回首懷賢欲訴冤梅枝橫集作嶺嶠竹路過湘源月下

高秋鴈天南獨夜猿離心與流水萬里共朝昏

赴南巴書情寄故人

前人

南過三湘去巴人此路偏謫居秋瘴裏歸處夕陽邊直道  
天何在愁容鏡亦憐裁書欲誰訴無淚可替然

月下呈章秀才

前人

自古悲搖落誰人柰此何夜蒼偏傍祝寒鳥數移柯向老  
三年謫無愁集作百口多貧家唯好月空愧子猷過

朱放自杭州與故相里使君立碑迴因以

奉簡

前人

片石羊公後悽涼江水濱好辭千古事墮淚萬家人鵬集  
占書久寫回刻篆新不堪相顧恨文字日生塵

贈西隣盧少府

前人

籬落能相近漁樵偶復同苔封三逕絕溪向數家通天吠寒  
煙裏鷓鴣飛一作鳴夕照中儻因籃舉出集作時因相訪竹林

東

自江西歸至舊任官舍贈袁贊府時經

劉展平後

前人



却見同官喜復悲此生何幸有歸期空庭客至逢搖落舊  
邑人疎經亂離湘路來過迴鴈處江城卧搗衣時南方風  
土勞君問賈誼長沙豈不知

聞虞沔州有替將歸上都登漢東城寄贈 前人

淮南搖落客心悲湏水悠悠怨別離早鴈初辭舊關塞秋  
風先入古城池腰章建隼皇恩賜露冕臨人白髮垂惆悵  
恨集作夫君先我去漢陽耆老憶旌麾集作旗

吳中聞潼關失利集作守因奉寄淮南蕭

判官

前人

早集作一鴈飛吳天羈人傷暮律松江風嫋嫋波上片帆疾  
木落姑蘇臺霜收洞庭橘蕭條長洲外唯見寒山出胡馬  
嘶秦雲漢兵亂相失關中因竊據天下共憂慄南楚有瓊  
枝相思怨瑤瑟一身寄滄州萬里看白日赴敵甘負弋論

兵勇投筆臨風但攘臂擇木將委質不爾集作如歸剡山雲  
門飯松栗

京口懷洛陽舊居兼寄一作簡

廣陵一二集作二三

知己

前人

川闊悲無梁藹然滄波夕天涯一飛鳥日暮南徐客氣混  
京口雲潮吞海門石孤帆候風進夜色帶江白一水阻佳  
期相望空脉脉那堪歲芳盡更使春夢積故國胡塵飛故  
山集作異卿楚雲隔佳人想何在庭草為誰碧惆悵空往復集作情傷  
滄浪有遺跡嚴陵七里灘携手同所適

贈別于羣投筆赴安西

前人

風流一才子經史仍滿腹心鏡萬像生集作象全文鋒衆人服  
頃遊靈臺下頻棄荆山玉踴躍空教年徘徊冀微祿未來  
投筆硯長楫辭親族且欲從集作圖交通安能守拘束本持



鄉曲譽豈料泥塗辱誰謂命途還令身

集作計

翻覆一西

戎今未弭胡騎屯山谷坐恃龍豹韜全輕蜂蠱毒拂衣從

此去擁傳一何速元帥許提携他人佇瞻矚出門寡儔侶

矧乃無僮僕黠虜時相逢黃沙暮愁宿蕭條遠迴首萬里

如在目漢境天西窮胡山海邊綠想聞羌笛處淚盡關山

曲地闊鳥飛遲風寒馬毛縮邊愁殊浩蕩離思空斷續塞

上歸限賒集作塞下樽前別期促知君志不小一舉凌鴻

鵠且願樂從軍功名在殊俗

江中晚釣寄荆南二相識

前人

隨楚集作楚荆微雨收荆門看日漾舟水雲裏日暮春

江集作楚荆綠霽華浮洲渚夜色連杉竹集作與色月出波上

時人歸渡頭宿一身已無累萬事更何欲漁父自負綠白

鷗不羈束既憐滄浪水復愛滄浪曲垂釣看世人那知此生足

寄司勳盧負外

李頎

流漸臘月下河陽草色新年發建章秦地立春傳太史漢

宮題柱憶仙郎歸鴻欲度千門雪侍女新添五夜香早晚

薦雄文似者故人今已賦長揚

東郊寄萬楚

前人

濩落久無用隨身甘采薇仍聞薄官者還事田家衣潁水

日夜流故人相見稀春山不可望黃鳥東南飛濯足豈長

往一罇聊可持了然潭上月適我心中機在昔同門友如

今出處非優遊白虎殿偃息青瑣闈且有薦君表當看携

手歸寄書不代面蘭茝空芳菲

望鳴臯山白雲寄洛陽盧主簿 前人

飲馬伊水中白雲鳴臯上氛氲蓋山頂行子時一望照日龍

虎姿攢空冰雪狀翳鬱殊未已裴甯忽相向皎皎橫綠



林霏澹青嶂遠映村更失孤高鶴來傍勝氣欣有逢仙  
遊且難訪故人吏京劇每事多閑放室盡峨嵋峯心搖洞  
庭浪惜哉清興裏不見予所尚

寄萬齊融

前人

名高不擇仕委世隨虛舟小邑長歎屈故鄉行可遊青牛  
半村戶香稻盈田疇爲政日清靜何人同海鷗搖巾北林  
夕把印東山秋對酒池雲一作風滿向家湖水流岸陰止鳴鶴  
山色映潛虬靡靡俗中理蕭蕭川上幽昔年至東一作吳郡常  
憶卧江樓我有一書札因之芳杜洲

贈蘇明府

前人

蘇君年幾許狀貌如玉童采藥傍梁宋共言隨日翁常辭  
小縣宰一往東山東不復有家室悠悠人世中子孫皆老  
死相識悲轉蓬髮白還更黑身輕行若風汎然無所繫心  
與孤雲同出入唯一枝一作杖安然知始終願聞素女事  
去采三花叢誘我爲弟子逍遙當葛洪

文苑英華卷第二百五十二

登仕郎胡

何

鄉貢進士彭

叔夏

校正



文苑英華卷第二百五十三

詩一百三

寄贈七

丘為一首

張光朝一首

劉春虛三首

張謂四首

岑參五首

包佶四首

包何一首

李嘉祐六首

錢起七首

賈至四首

張繼二首

皇甫曾三首

郎士元四首

皇甫冉二首

寄閻防

防時在終南山  
豐德寺讀書

劉春虛

青冥南山口

文粹作青  
嶺南山色

君與緇錫隣深路入古寺亂花隨

暮春紛紛對寂寞往往落衣巾松色空照水經聲時有人晚  
心復南望山遠情獨親應以修往業亦唯立此身深林度

空夜煙月資清真莫欲文粹作數文明日彌年從隱淪

暮秋揚子江寄孟浩然

前人

木葉紛紛下東日疑煙霜山林相曉暮天海深清蒼一作蒼  
暝色况復久秋聲亦何長孤舟兼微月獨夜仍越鄉寒笛  
對京口故人在襄陽詠思勞今夕江漢遙相望

寄江滔求孟六遺文

前人

南望襄陽路思君情轉親偏知漢水廣應與孟家隣在  
日貧為善昨來聞更貧相如有遺草一為問家人

荻塘西莊贈房元垂

張光朝

門在荻塘西塘高何懸懸往春分地利遠近無閑田水國  
信汙下霖霖即成川苗稼盡湮沒茲鄉獨豐年家肥待親  
懿人樂思管絃日晏始能起盥漱看厨煙醞酒寒正熟養  
魚長食鮮黃昏鐘未鳴偃息早已眠何意久城市寂寥丘

中緣俛仰在顏色區區人事間憶昔炎漢時乃知綺季賢  
靜默不能仕養老終南山

湖中寄王侍御

丘為

日日湖水上好登湖上樓終年不向郭過午始梳頭嘗亦  
一作愛盃酒得無相戲酬小僮能鱸鯉少妾事蓮舟每有  
一作南海一作信乃期後月遊方春轉搖蕩孤嶼每淹留驄馬  
真傲吏翛然無所求晨趨玉階下心許滄江流少別如昨  
日何言經數秋應知方外事獨往非悠悠

寄李侍御

張謂

柱下聞周史書中慰越吟近看三歲字遙見百年心價以  
吹噓長恩從顧盼深不裁桃李樹何日得成陰

寄崔澧州

前人

共襍臺郎被俱褰郡守惟罰金殊往日鳴玉幸同時五馬



來何晚雙魚贈已遲江頭望鄉月無夜不相思

贈喬林

此詩見三百四十四卷

前人

文粹作劉耆虛

杜侍御送貢物戲贈

前人

銅柱朱崖道路難伏波橫海舊登壇越人自貢珊瑚樹漢使何勞獬豸冠疲馬山中愁日晚孤舟江上畏春寒由來此貨稱難得多恐君王不忍看

寄左省杜拾遺甫

岑參

附見杜集

聯步趨丹陛分曹限紫微曉隨天仗入夕

集作暮

惹御香歸

白髮悲花落青雲羨鳥飛聖朝無闕事自覺諫書稀

高宮

集作冠

谷口贈

集作招

鄭鄩

前人

谷口來相訪空齋不見君澗花燃暮雨潭樹暖春雲門逕稀人跡簷峯下鹿羣衣裳與枕席山靄綠氛氲

江夜宿龍吼灘臨眺思岷嶓隱者兼寄幕中

諸公

前人

官舍臨江口灘聲已慣聞水煙晴吐月山火夜燒雲且欲尋方士無心戀使君思鄉那可在況復久離羣

客舍悲秋懷兩省舊遊呈幕中諸公 前人

三度爲郎便白頭一從出守五經秋莫言聖主長不用其那蒼生應未休人間歲月如流水客舍秋風今又起不知心事向誰論江上蟬聲空滿耳

西蜀旅舍春歎寄朝中故人呈秋評事 前人

春與人相乖柳青頭轉白平生未得意攬鏡私自惜四海猶未安一身無所適自從兵戈動遂覺天地窄功業悲後

時光陰難

疑作數

虛擲却爲文章累幸有開濟策何負當途

人無心矜窘阨迴瞻後來者皆欲相轡轢起草思南宮竒言意西掖時危任舒卷身退知損益窮巷草轉深閑門日



將夕橋西暮雨黑籬外春江碧作者始識君相看俱是客  
聲華同道術世業通往昔早須歸天階不得安孔席吾先  
稅歸鞅舊國如咫尺

對酒贈故人

包佶見集本

扶起離披菊霜輕喜重開醉中驚老去笑裏覺愁來月送人  
無盡風吹浪不迴感時將有寄詩思澁難裁

近獲風痺

集作痺

之疾題寄所懷

前人

病夫將已矣無可答君恩衾枕同羈客圖書委外孫父來  
從吏道常欲奉空門疾走機先息敢行力漸煩無醫能却  
老有變是遊魂鳥宿還依伴蓬飄莫問根宿形齊指馬觀  
境制心猿唯惜南榮地清晨暫負暄

發襄陽後却寄公安人

前人

揮涕

集作淚

送迴人將書報所親晚年多疾病中路有風塵

王粲頻徵楚君思許入秦還同星火去馬上別江春

同李吏部伏日口號呈元慶子路中丞

前人

火炎逢六月金伏過三庚幾度衣裳汗

雜詠作汗

誰家枕簟清

頌冰無下位裁扇有高名吏部還開甕殷勤二客情

雜詠作卿

寄楊侍御

包何

一官何幸得同時十載無媒獨見遺今日不論腰下組請君  
看取鬢邊絲

贈王八衢州

集作無州字

李嘉祐

丹地偏相逐清江若有期腰金才子貴剖竹老人遲桂檝  
閑迎客茶甌對說詩渚田分邑里山樹掛罾魚心靜無華  
髮人和似古特別君遠山去幽獨更應悲

以下六篇並見集本

晚發咸陽寄同院遺補

前人

征戰初休草又衰咸陽晚眺淚堪垂去路全無千里客秋



田不見五凌兒秦家故事隨流水漢代高墳對石碑回首  
青山獨不語羨君談笑萬年枝

暮春宜陽郡齊愁坐忽聞狂劉七侍御新詩因

以酬贈集作笑

前人

子規夜夜帝櫓葉遠道春來一作逢春半是愁芳草伴人還  
易老落花隨水亦東流山臨睥睨恒多雨地接瀟湘畏及  
秋唯羨君為周柱史手持黃紙到滄洲

晚發江寧道中呈嚴維

前人

惆悵垂集作遙江路蕭條日落過蟬鳴獨樹急鴉向古城多  
轉曲隨青嶂因高見白波潘生秋徑草嚴子意如何

仲夏江陰官舍寄裴長官集作明府

前人

萬室邊江次孤城對海山朝霞晴作雨濕氣夜集作晚生寒  
苔色侵衣行朝痕上井欄題詩寄集作招茂宰思爾欲辭官

贈衛南長官赴任

前人

吏曹難茂宰主意念疲人更事文犀節還過白馬津雲間  
辭北闕樹裏出西秦為報陶明府裁書莫厭頻

闕下贈閻舍人

錢起

二月黃鸝集作鷓鴣飛上林春城紫禁晚陰陰集作陌曉泥泥長樂鐘  
聲花外盡龍池柳色雨中深陽和不散窮途恨霄漢常集作長

縣捧日心獻賦十年猶未遇羞將白髮對華簪以下七篇並見集本

晚秋寄王中丞表負外集作秋夜寄表

前人

一夕盈千念方知別者勞衰榮難會面魂亭暫集作想同袍  
片月臨城早晴河渡鴈高應憐將生迳秋露滿蓬蒿

獻歲初歸舊居酬皇甫侍郎見寄 前人

欲知愚谷好父與春還鸞暖初歸樹雲情却戀山石田耕  
種少野客在情閑來仲應難見殘陽且掩關



秋夜寄張韋二主簿

前人

涼夜騫簾好，輕雲過月初。碧空河漢淺，紅葉落聲虛。道阻天難問，機忘世久疏。不知雙翠鳳，棲棘復如何。

寄郢州郎使君士元

前人

龍節知無事，江城不掩扉。詩傳過客遠，書道故人稀。坐嘯看潮起，行風送鴈歸。望舒三五夜，思盡謝玄暉。

東臯早春寄元校書

前人

祿微賴學稼，歲起歸衡茅。窮途戀明主，耕桑近近郊。夜來霽山雪，陽氣動林梢。萌蕙暖初吐，春鳩鳴欲巢。

蓬萊頻入夢，知子與貧交。

雜言山中寄時校書

前人

蓬萊紫氣溫，如王唯予知。爾陽春曲別來，幾日芳蓀

綠百花滿眼，不見君青山一望。心腸斷續。

自蜀春冊命往朔方途中呈韋左相文部房尚

書門下崔侍郎

賈至

胡羯亂中夏，銜輿忽南巡。衣冠陷寇戎，狼狽隨風塵。幽公秉大節，臨難不顧身。激昂白刃前，濺血下沾巾。尚書抱忠義，歷險披荆榛。扈從出劍門，登翼岷江濱。時望挹侍郎，公才標楫紳。亭亭崑山玉，皎皎無緇磷。顧惟乏經濟，杆牧陪從臣。永願雪會稽，仗劍清咸秦。太皇時內禪，神器付嗣君。新命集舊邦，至德被遠人。捧冊自南服，奉誥趨北軍。觀謁心載馳，遠難重陳策。馬出蜀山畏，途上綠雲飲。啄叢箐間，栖息虎豹羣。崎嶇凌危棧，喘慄驚心神。峭壁上巖岑，大江下泂泂。皇風扇八極，異類懷深仁。元兇誘熟虜，肘腋生妖氛。明主信英武，威聲赫殊隣。誓師自朔方，旗



幟何繽紛鐵騎照白日旄頭拂秋旻將來一作盪滄溟寧

止蹴崑崙古來有迪難否泰長相因夏康續禹績一作少康續夏服

代祖復漢勲于役各勤王驅馳拱紫宸豈唯太公望往昔

逢周文誰謂三傑才功業獨殊倫感此慰行邁無為歌苦

辛 巴陵早春寄荊州崔司馬吏部閣功曹舍人前人

謫居瀟湘渚再見洞庭秋極目連江漢西南浸斗牛滔滔

盪雲夢澹澹搖巴丘曠如臨渤海宵疑造瀛洲君山麗中波

蒼翠長夜浮帝子去永久楚詞尚悲愁我同長沙行時事

加百憂登高望舊國胡馬滿東周宛葉遍蓬蒿樊鄧無

良疇獨攀青楓樹淚洒滄江流故人西掖寮同邑岐陽蒐

差池盡三黜躑躅各南州相去雖地近不得從之遊耿耿雲

陽臺迢迢王粲樓跋子暮霞裏誰謂無輕舟

閑居秋懷寄陽翟陵賈府封丘高少府 前人

今日霖雨霽颯然高館涼秋風吹二毛烈士加慨憐憶昔

皇運初衆賢值龍驤解巾佐幕府脫劍昇明堂郁郁被慶

雲昭昭翼太陽鯨魚縱大壑鸞鷲鳴高岡信矣草創時太

階逮賢良一言頓遭逢片善蒙恩光我生屬盛明感激竊

自彊崿嶇郡邑權連蹇翰墨場大朝富英髦多士如珪璋

盛才溢下位蹇步徒猖狂閉門對羣書机案在我旁枕席

想遠遊聊歆浮滄浪八月白露降玄蟬號枯桑蟻舟臨清

川迢遘愁一作海思長我有同懷才疑各在天一方離披不相

見浩蕩隔兩鄉平生霞外期宿昔共行藏豈無蓬萊樹歲

晏空蒼蒼

巴陵寄李二戶部張十四禮部 前人

江南芳草初暮暮愁殺江南獨愁客秦中楊柳也應春轉

憶秦中相憶人萬里鷓鴣花不相見登高一望淚霑巾



會稽秋晚奉呈于太守

張繼

寂寂訟庭幽森森戟戶秋山光隱危堞湖色上高樓禹穴探書罷天台作賦遊雲浮將越客歲晚共淹留

陸沉詩上禮部楊侍郎

前人

調與時人背心將靜者論終年在一作帝城裏不識五侯門

奉寄中書王舍人

皇甫曾

腰金載筆謁承明至道安禪得此生西掖幾年綸綍貴東山遙夜薜蘿情風傳漏刻星河曙月上梧桐雨露清聖主好文誰為薦閉門空賦子虛成

前人

寄劉負外

南憶新安郡千山帶夕陽斷猿知夜久秋草助江長鬢髮應成素青松獨見蒼愛才稱漢主題柱待回鄉一作田郎

寄張象甫

前人

悲風還舊浦雲嶺隔東田伏臘同鷄黍柴門閉雪天孤村明夜火稚子候歸船靜者心將憶離心畏度年

寄鄭負外

郎士元

暮蟬不可聽落葉詎堪聞自是悲秋客那能歧一作此路分荒城背流水遠鴈入寒雲陶令東籬菊餘芳可贈君

寄李紆

一作送張南史

前人

雨餘深巷靜獨酌送殘春車馬雖嫌僻鷓鴣花不厭一作棄貧蟲絲粘戶網鼠跡印牀塵聞道山陰會集作借門如今有

幾人

此詩二百七十二首重出今已削去注異同為一作

贈萬生下第還吳

前人

直道多不遇美才應息機霸陵春欲暮雲海獨言歸為客成白首入門嗟布衣尊羹若何憶暫足出掩柴扉



寄李袁州桑落酒兼六言贈人疑 前人  
色比瓊漿猶嫩香同甘露仍春十千提携一斗遠寄瀟湘  
故人

使至壽州淮路寄劉判官

皇甫冉

榛草荒涼村落空驅馳卒歲亦何功兼葭曙色蒼蒼遠蟋蟀秋聲處處同鄉路遙知淮浦外故人多在楚雲東日夕煙波那可道壽陽西去水無窮

寄集作韋司直

前人百家詩選作郎士元

聞君感歎二毛初舊友相依萬里餘烽戎有時驚暫定甲兵無處可安居客來無地星霜久家在平陵音信疎昨夜春風還入戶登山臨水復集作何如

文苑英華卷第二百五十三

登仕郎胡柯鄉貢進士彭

叔夏

校正

文苑英華卷第二百五十四

詩一百四

寄贈八

歸翎十首

顧况六首

耿緯六首

司空曙十首

章八元二首

王建十五首

寄武陵李少府

歸翎

小縣春生日一作公孫吏隱時楚歌催晚醉蠻語入新詩桂水遙相憶花源暗有期郢門千里外莫恠尺書遲

以下十首並見集本

贈張建

前人

結客平陵下當年倚俠遊傳看輓轡劍醉脫鷓鴣裘翠羽雙鬟妾珠簾百尺樓春風坐相待曉集作日晚莫淹留

寄上田僕射

前人



家封薛縣異諸田報主榮親道兩全僕射臨戎謝安石大  
夫持憲杜延年金裝畫出羅千騎玉按晨食直萬錢應念  
一身留闕下闔門遙寄魯西偏

寄令狐尚書

前人

立身榮貴復何如龍節紅旗從板輿妙略多推霍驟騎能  
文獨見沈尚書臨風高會千門一作帳快水連營百乘車他  
日感恩慙未報舉家猶似涸池魚

贈鄭員外

鄭時在熊尚書幕府

前人

風流不減杜陵時五十爲郎未是遲孺子亦知名下士樂  
人爭唱卷中詩身齊吏部還多醉心顧尚書自有期要路  
眼青集作看知己在不應窮巷久低眉

寄劉太真

前人

長安道上落花朝羨爾當年賞事饒下筋已憐鵝炙美開

籠不柰鴨媒嬌春衣晚入青楊巷細馬初過皂莢橋相訪  
不辭千里遠西風好借木蘭橈

梁城一二同幕

前人

五營河畔列旌旗吹角鳴聲日暮時曾是信陵門下客兩  
迴相吊不勝悲

贈張千牛

前人

蓬萊闕下是君集作事天家上路新迴白臯騎急管盡催平樂  
酒春衣夜宿杜陵花

雜言贈哥舒僕射

前人

萬里長城家一生唯報國腰垂紫艾纒集作綬手控黃金勒  
高視黑稍翁遙吞白騎賊先麾牙門將轉鬪黃河北帳下  
親兵皆少年錦衣承日繡行纏轆轤寶劔初出鞘宛轉角弓  
爭上絃步又抽箭大如笛前把兩矛後雙戟左盤右射



紅塵中鷓入鷓羣有何敵殺將破軍白日餘迴船舞旆北  
風初郡公指臯好磨黑走馬為君飛羽書

贈別太常李博士兼寄兩省舊遊

前人

兩年戴武弁趨侍明光殿一朝簪惠文客車信陵君簡異  
當朝執香非寓直薰差眉何記室携刀手李將軍玉鐙初迴  
酸棗館金鈿正舞石榴裙忽驚萬事隨流水不見雙旌逐  
塞雲感舊撫心多戚戚與君相遇頭初白暫夸五首軍中  
詩還憶萬年枝下客昨日留歡今送歸空披秋水映斜暉  
閑吟佳句對孤鶴惆悵寒霜葉落掃一作惆悵寒霜  
天霜葉落

從江西至彭蠡入浙西淮南界道中寄齊

相公

顧況

大賢舊丞相作鎮江山一作雄自鎮江山一作來何人得如  
公處士待徐孺仙人期葛洪一身控上游八郡趨下風

比屋除畏溺林塘曳煙虹生人罷虔劉并稅均且一作

充大府肅無事歡然一作接悲翁心清百丈泉目送孤飛鴻

數年鄱陽掾抱責栖微躬首陽及汨羅無乃福一作其裏

揚朱并阮籍未免哀途窮四賢雖得仁此怨何忽忽老

氏齊寵辱於陵一窮通本師留度門平等寃親同能依二

諦法了達三輪空真境靡方所出離內外中無邊盡未來

定惠雙功蹇步慙寸進飾裝隨轉蓬朝從楚水陰夕宿吳

州東吳洲覆白雲楚水飄丹楓晚霞燒迴潮千里光瞳瞳

冀開海上影桂吐淮南叢何當翼明庭草木生春一作融

寄上兵部韓侍郎奉呈李戶部盧刑部杜

三侍郎

前人

道路五千里門闌三十年當特携手人今日無半全詠題  
官舍內賦韻一作僧房前公登略約橋沉榜龍一作舸船



遠寺吐朱閣春潮浮綠煙鷓鴣鄧林沙鴨飛吳田諸子  
紛出祖中宵久留連坐客三千疑人皆稱主人賢國士分如此  
家臣亦依然身在一作從薜蘿中頭刺文案邊故吏已重疊門  
生從聯翩得罪為何名無皆問皇天出門多岐路命駕無  
由緣伏承諸侍郎顧念一一作猶迨遭聖代逢三宥營魂空  
九遷

謝王郎中見贈琴鶴

前人

此琴等焦尾此鶴方胎生赴節何徘徊理感物自并獨立  
江南上集作一彈天地清朱絃動瑤華白羽飄玉京因想  
羨門輩眇然四體輕子喬翔鄧林王母遊層城忽如集作  
啟靈署鳶鳳相和鳴何由玉女林集作女去食琅玕英

貽朱放

前人

野客歸時無四隣黠婁別久按常貧漁樵舊路不堪入一作

何處空山猶有人

望初月簡于吏部

前人

沈寥中秋夜坐見如釣月始從西南升又欲西南沒全移  
河上影暫是透林間缺縱待三五時終為千里別

上湖至破山贈文周蕭元植

前人見作本

一別二十年依依過故轍湖上非往態夢想頻虛結二子伴  
我行我行感徂節後人應不識前事寒泉咽一別二十年  
人堪幾迴別

春日書情寄元校書伯和相國元子耿緯

數歲平津邸諸生門出時羈孤力行早踈賤託身蓬芳草  
看無厭青山到末期貧居悲老大春日向茅茨衛玠瓊瑤  
色玄成鼎鼎資友朋漢相府兄弟謝家詩律合聲雖應勞  
歌調自悲流年不可駐惆悵鏡中絲



贈苗員外

前人

為郎日賦詩小謝少年時業繼儒門後心多道者期晚迴  
長樂殿新出夜明祠行樂西園暮春風動柳絲

贈嚴維

野客

集作

閑門

前人

許詢清論重寂寞住山陰野客接荒寺閑門當古林海田  
秋熟早湖水夜漁深世上窮通理誰能柰此心

寄錢起

前人

草長花落樹羸病彊尋春無復少年意空餘華髮新青  
原高見水白社靜逢人寄謝南宮客軒車不見親

上裴行軍中丞

集

前人

胡塵已滅天山外閑閣陰陰日復曛  
檉上華駟嘶鼓角門前老將識風雲  
旌旗四面高秋見絲竹千家靜夜聞  
莫道古來多計策功成唯有一作李將軍

許州書情寄韓張二舍人

前人

謫宦軍城老更悲近來頻夜夢丹墀乍  
燃乍滅中心火唯攝唯多兩鬢絲  
繞履綠苔聞鴈處滿庭黃葉閉門時  
故人高步天一作衢上肯念前程杳未期

贈庾侍御

司空曙

少年身無累相逢憶此時雪過雲寺宿  
酒向竹園期白髮今催老清琴但起悲  
唯應逐宗炳內學子願為師

以下十篇並見集本

秋思呈尹植裴况鄭銅

前人

靜與懶相偶年將衰共催前途歡未集  
往事恨空來晝景委紅葉月華消綠苔  
況思竟何有坐結玉琴哀

獨遊寄衛長林

前人

草綠春陽動遲遲澤畔遊戀花同野蝶  
愛水劇江鷗身



外唯須醉人間盡集作半是愁那知鳴玉者不羨集作不作賣瓜侯

贈李端

前人

共憶南浮日登高望若何楚田湖草遠江寺海榴多載酒尋山宿思人帶雪過東西幾迴別此會各蹉跎

謝李端

集作酬李校書端

見贈已見二百四十三卷

前人

長安曉望寄程補闕

前人

迢遞山河擁帝京參差宮殿接雲平風吹曉漏經長樂柳帶晴煙出禁城天淨笙歌臨路奏集作發日高車馬隔塵行

獨有淺才甘未達多慙名在魯諸生

早夏寄元校書

前人

獨遊野景送芳菲

集作野境自芳菲

高竹林居接翠微綠岸草深

蟲入遍青蕞花盡蝶來稀珠荷薦果香寒簟玉柄搖風滿

夏衣蓬華永無車馬到更當齋齋夜憶玄暉

發渝州却寄韋判官

前人

紅燭津亭夜見君

一作紅燭輝高夜送君

繁絃急管兩紛紛平明分

或作携

手空江轉唯有猿聲嘯一作水雲

此詩二百九十二卷重出今已削去注異同為一作

江園書事寄盧綸

前人

種柳江南邊閉門三四年艷花那勝竹凡鳥不如蟬嗜酒

漸嬰

集作田非

濁讀書多欲眠平生故交在白首遠相憐

閑居寄苗發

前人

漸向浮生老前期竟若何獨身居處靜永夜坐時多厭逐

青林客休吟白雪歌支公有遺寺重與謝

集作大

安過

寄都官劉員外

章八元

舊宅平津邸槐陰接漢宮鳴騶馳道上寒日直盧中白雪

歌偏麗青雲官早通悠然一縫掖千里快

一作限

清風



歸桐廬舊居寄嚴長史

前人

昨辭夫子掉歸舟家在桐廬憶舊立三月暖時花競發兩  
溪分處水爭一作東流近聞江左一作老傳鄉語遙見家山減  
旅愁或在醉中愁雪夜懷賢應向剡川遊

初到昭應呈僚

王建

白髮初為吏有慙年少即自知身上拙不稱世間強一作集作  
秋雨縣牆綠暮山宮樹黃同官若容許長借老僧房

以下十五篇並見集本

上武元衡相公

前人

旌旗坐鎮蜀江紅一作集作帝命重開舊閣崇褒貶唐書天  
曆上捧持堯日慶雲中孤情迥出鸞鳳遠健思潛搜海岳  
空長得蕭何為國相自西流水盡朝宗

上張弘靖相公

前人

傳封三世盡河東家占中條第一峯一作集作早歲天教作霖  
雨明時帝用補山龍草閣舊路沙痕在日照新池鳳跡重  
卑散自知霄漢隔若為門下賜從容

上李吉甫相公

前人

聖朝齊賀說逢殷霄漢無雲日月真金鼎調和天膳美瑤  
池沐浴賜衣新兩河開地山川正四海休兵造化仁曾向  
山東為散吏當今實憲是賢臣

寄上韓愈侍郎

前人

重登太學領儒流學浪詞鋒壓九州不以雄名殊一作集作野  
賤唯將直氣折王侯詠傷松桂青山瘦取盡珠璣碧海愁  
序述異篇經揔核一作集作鞭驅險句物先頭投碑文合遺貞

魂謝史筆應令諂骨羞青俸探將還酒債黃金旋得起  
書樓客來擬設官人禮朝退多逢月下閣一作集作遊見向雲泉



求住處若無知薦一生休

贈王內侍樞密

前人

三一作先朝行坐鎮相隨今上春宮見長集作小時脫下御衣

先得集作偏賜着進來龍馬每教騎長承密旨歸家少獨奏邊

情集作機出殿遲不為集作自是姓同偏集作親向說重爭遣外人知

人知

上裴舍人度

前人

小松窓對鳳池開履跡衣重集作香逼上台天意皆從彩毫

出宸心盡向紫煙來非時玉案呈宣旨每日金階賜對集作謝賜

迴仙侶何因記名姓縣丞頭白走塵埃

上杜元穎學士

前人

冬士金臺殿後居天中行坐侍龍輿承恩不許離床謝密

詔長教倚案書馬上與渡紅嘴鴨船頭看釣赤鱗魚閑曹

散吏無相識猶記荊州拜謁初

贈盧汀諫議

前人

青娥不得在床前空室焚香獨自眠功證詩篇離景象藥

一作成官位屬神仙閑過寺觀長衡夜立送封章直上天近

見蘭臺諸吏說御詩一作題新集未教傳

贈華州鄭大夫

前人

此官出入鳳池頭通化門前第一州少華山雲當驛起小

敷溪水入城流空閑地內人初滿詞訟牌前草漸稠報狀

拆開知足兩赦書宣過喜無囚自來不說雙旌貴恐替長教

百姓愁公退晚涼無一事步行携乃客上南樓

賀陽巨源博士拜虞部員外郎

前人

合歸蘭署已多時上得金梯即未遲兩省郎官開道路九

州山澤屬曹司諸生拜別收書卷舊客看來讀制詞殘着



幾凡仙一作藥在分張還遣病夫知

贈郭將軍

前人

承恩新拜上將軍當直巡更近五雲天下表章經院過宮  
中語笑隔牆聞密封計策非時奏別賜衣裳到處薰向  
晚臨階看號簿眼前風景任支分

上胡証將軍

前人

書生難得是金吾近日登科記惚無半夜進難當玉殿未  
明排仗到銅壺朱牌上面一作分官契黃紙頭邊押勅符  
恐要蕃中新道路指揮重畫五城圖

贈賈島

前人

盡日吟詩坐忍飢萬人中覓似君稀門當古巷風偏入驢  
放秋園夜不歸迎暖併收新落葉欲寒重着舊生衣曲江  
北岸時時到為一作愛鷓鴣兩翼一作飛

後軍後寄山中友人

前人

愛仙無藥住溪貧腕却山衣事漢臣夜半聽鷄梳白髮天  
明走馬入塵紅村堇近去嫌腥食野鶴高飛避俗人勞動  
先生遠相示別來弓箭不離身

文苑英華卷第二百五十四

登仕郎胡

柯

鄉貢進士彭

叔夏

校正



文苑英華卷第二百五十五

詩一百五

寄贈九

李端五首

武元衡五首

馬異一首

常應物六首

盧綸十一首

嚴維六首

戴叔倫十一首

秦系四首

孟雲卿一首

冬夜寄韓奔

李端見集本

獨坐知霜下開門見木衰壯應隨日去老豈與人期廢井  
蟲鳴早陰堦菊一作草發遲興來空憶戴不似剡谿時

曉遊東田寄司空曙

前人

暮來思遠客獨立在東田片雨無妨景殘虹不映天別愁  
逢夏果歸興入秋蟬莫作隳官意陶公未必賢



早春雪夜寄盧綸兼呈祕書元丞 前人

聞君隨謝朓春夜宿山前一作集作前川看竹雲垂領一作地尋僧月

滿田一作雲滿船熊寒方入樹魚樂稍離船一作泉獨夜一作猶是

愁客誰唯一作集作知惜暮一作故年一作皆自家詩選

贈池陽三字詩選作過谷口元贊善所居 前人

入谷逢詩選作方君來秋泉已難涉林間人獨坐月下山相接

重露濕蒼苔明燈照黃葉故交一不見素髮何稠疊

贈司空曙 前人

漢主金門正召才馬卿多病自遲迴舊山暫別老將至芳

草欲闌歸去來雲在高天風會起年如流水日相長一作催

知君素有栖禪意應是一作歲晏蓬門遲爾開

寄上中書李相公 武元衡

昏旦倦興寢端憂坐向微廉頗不覓老蘧瑗始知非授鉞

虛三顧持衡曠萬機曾一作會應舟楫便煙雨一作水五湖歸

途次近蜀驛蒙思賜寶刀及飛龍廐馬使還

寄李鄭二中書 前人

草草事行役遲遲入詩選作出故關碧幢遙隱詩選作隔霧紅旆漸

依山感激慙一作慙思浹風霜去國顏捧刀金錫詩選作賜字歸

馬王連環威鳳翔雙闕征夫護百壘詩選作龍鳳辭三應

憐宣室召溫樹不同攀

此詩二百九十七卷重出今已削去

晨興贈友寄呈竇使君 前人

江陵歲方晏晨起眇庭柯白露傷紅葉清風斷綠蘿狗特

真氣索念遠幽懷多宿昔東山意縱橫南浦皮有美嬋

娟子百慮攢雙蛾絨情鬱不舒幽竹自駢羅為予集作子歌

寒苦旨酒朱集作有顏醜兩鬢條云變一作妍功名將



奈何

夏日陪朝一作寮同遊昊天觀因覽舊題詩寄

呈揚華州中丞

前人

三伏草木變九城車馬煩碧霄迴騎吹舟洞入桃源臺殿  
雲浮棟綉纓鶴在軒莫將真破妄聊用靜持喧石甃古苔  
冷水均涼簟翻黃公壇下歎旌旆國東門

旬假西

集作南

亭寄呈熊郎中副使

前人

旬休屏戎事涼雨北窓眠一夜江城夢萬里繞山川草木  
散幽氣池塘鳴早蟬妍芳落春後夜思生秋前紅槿繁  
庭艷綠蒲繁渚烟行歌獨酌謠坐發朱絲絃哀玉不可  
扣華觴徒湛然聞君東林卧郡閣曠周旋酬對龍象侶  
灌注清冷泉如何無礙智獨集作苦病纏牽

暮春酒中贈李于秀才

馬異

歡喜見交親生開一甕春不須愁犯卯且乞醉過申折草

為籌箸鋪花作錦茵嬌鶯解言語留客也殷勤

寄洪州幕府盧二十二侍御

自雅昌令拜頃同官洛陽

韋應物

忽報南昌令乘驄入郡城同時趨府客此日望塵迎文苑

臺中妙水壺幕下清洛陽相去遠猶使故林榮

以下六篇並見集本

示金貞元常

元常趙氏生

前人

余解郡符去爾為外事寧寧知和雪夜復此對床眠始話  
南池飲更詠西樓篇無將一會易歲月坐推遷

簡盧陟

前人

可憐白雪曲未遇知音人栖遑集作戎旅下蹉跎淮海濱

澗樹含朝雨山鳥弄餘春我有一瓢酒可以慰風塵

寄暢當

聞以子弟被召從軍

前人

寇盜

起東山英俊方未閑聞君新應募籍籍動京關



出身文翰場高步不可攀青袍未及解白羽插腰間昔爲瓊樹枝今有風霜顏秋郊細柳道走馬一夕一作還丈夫當爲國破敵如摧一作何必事州府坐使髮毛斑

秋夜寄丘二十二員外

前人

懷君屬秋夜散步詠涼天山空松子落幽人應未眠

寄楊協律

前人

吏散門閣掩鳥鳴山郡中遠念長江別府覓座隅空舟泊南池雨簟卷北樓風併罷芳樽宴爲愴昨時同

夜中得循州趙司馬侍郎書音寄迴使

盧綸

瘴海寄雙魚中宵達我君兩行燈下淚一紙嶺南書地說炎蒸極人稱老病餘殷勤報賈傳莫共酒杯疎

郊居對雨寄趙洎給事包佶郎中

前人

署雨青山裏隨風到野居亂漚浮曲砌懸溜響一作前除

塵鏡愁多掩蓬頭懶更梳夜惚凄挽席陰壁潤圖書蕭

颯移新竹龍鍾拾野蔬石泉空自咽藥圃不堪鋤濁水守深

轍荒蘭擁敗渠繁枝留宿鳥碎浪隱遊一作魚桑復特

登望荷衣自卷舒應憐在泥滓無路託高車

春日山中寄李舍人

前人

延步愛清晨空山日照春蜜房寧有主石室自無隣泉急魚衣藻花繁鳥近人誰憐失途侶唯與老相親

客舍苦雨即事寄錢起郎士元二員外

前人

積雨暮淒淒霸人狀鳥栖響空宮樹接覆水野雲低穴蟻多隨草巢蜂半墜泥遠池牆蘚合擁溜瓦松齊舊蒲一作

平如海新溝曲似溪壞欄留衆蝶欹棟上一作群雛秀威

終無實槎枯遂一作有羨綠萍藏廢一作井黃葉隱危隄

閨里觀將絕朝昏望亦迷不知霄漢侶何路何相携一作



寄贈庫部王郎中

時充新羅使

前人

諤諤漢名臣從天令若春科一作叔辭皆詔旨稱使即星辰  
草木承風嫗雲雷施澤均威懲治粟尉恩洽讓田人泉貨  
方將散京坻自此陳五營俱益竈千里不停不輪未遠金  
門籍旋清王塞塵碩儒推慶重良友頌功頻鶴髮逢新鏡  
龍門躍舊鱗荷君偏有問深感浩難申

夜寄馮著作

前人

河漢爭無雲鴻聲此夜聞素心雖比石蒼鬢歎如君露  
槿月中落風螢池上分何言十載友同跡不同群

早春歸蓋屋舊字集作居却寄取拾遺締李校

書端

前人

野日初晴麥隴分竹園村巷鹿成群百家廢井生春集作新  
草一樹繁花傍集作對古墳引水忽驚鳥水滿澗向田空見石

和雲可憐芳歲青山下唯有松枝寄與君

集作好寄君

雪謗後書事上皇甫大夫

前人

威德忽群英高標仰國禎獨安巡狩日曾掩趙張名業就  
難辭寵朝迴更授兵曉川分牧馬夜雪覆連營長策威殊  
重嘉謀珥聖明畫圖規陣勢夢筆記山行綬拂池中影珂  
搖竹外聲賜勸徵妓樂陪醉間公卿却憶經前事翻疑得  
此生分深存歿感恩在子孫榮覽鏡愁將老捫心嘉復驚  
豈言沉疾重但覓殺身輕有淚沾噴典無家集弟兄東西  
遭世難流浪識交情閱古宗文舉推才慕正平應憐守貧  
賤又欲事躬耕

寄司空曙

前人

壯志隨年盡謀身覓集作竟又作獨未安風塵契交闊集作絕  
老大別離難臘近晴多晚春遲夜却寒誰堪一作憐少兄弟



三十復

集作

無官

集作五十未為官

此詩二百八十七卷重出今已削去注異同為一作

洛陽早春憶吉中孚校書司空曙主簿因寄清

江上人

前人

值迴逢高駐馬頻雪晴閑看洛陽春鶯聲報遠同芳信柳  
色邀歡似故人酒貌昔將花共艷鬢毛今與草爭新年  
來百事皆無緒唯與湯師話

集作淨因

聞長安故人喪逝遷謫因增難寄上河中鄭倉

曹暢參軍昆季

前人

鬢似衰蓬心似灰鷺悲相集老相催故友九泉留語別逐  
臣千里寄書來塵容帶病何堪問淚眼逢秋不喜開幸接  
野居宜縱

一作步冀君清論一申哀

一作青夜

一作青夜

書情獻劉相公

前人

年來白髮故星星恨却生涯似  
一作是一經魏闕望中何日見  
商歌奏罷復誰聽孤根獨棄慙山木弱植無成狀水萍今  
日更須詢哲匠不應休去老巖扃

贈送朱放

前人

昔年居漢水日醉習家池道勝跡常在名高身不知  
依天目住新自始寧移生事曾無長唯將白接羅

剡中贈張卿侍御

何鄉

集作下樂

集作溪間

前人

辟疆年正少公子貴初還早列何卿位新參柱史班千夫馳  
驛道駟馬入家山深巷烏衣盛高門畫戟閑逶迤天下樂  
照耀剡溪間自賤遊章句空為衰草顏

贈萬經

峇干

少作集

前人

萬公長慢世昨日  
一作又隳官縱酒真彭澤論詩得建安  
家山伯禹穴別墅少長干輒有時人至窓前白眼看



書情上李蘇州大夫

前人

東土苗人尚有殘皇皇亞相出朝端手持國憲群僚畏口  
喻天慈百姓安禮教自憐今日絕風流空記往年歡誤着  
青袍將十載忍令漁浦却垂竿

餘姚祗役奉簡鮑參軍

前人

童年獻賦在皇州方寸思量君與侯萬事無成新白首  
春虛擲對滄流歌詩盛賦文星動簫管新亭晦日遊知己  
欲依何水部鄉人丘整一作金正賤東丘

郊園即事寄蕭侍郎

集作三蕭  
常州後

戴叔倫

衰鬢辭餘秩秋風入故園結茅成暖室汲井及集作修  
井汲清  
源鄰里桑麻接兒童笑語喧終朝非役集作  
貴無役聊寄遠集

聊向  
達人言

李大夫見贈因之有呈

前人

何言訪衰疾旌旆重淹留謝禮誠難答裁詩豈易酬江清寒  
照動山迴野雲秋一醉龍沙上終歡勝舊遊

漸至集作  
次

涪州先寄王員外使君縱

前人

文教通集作  
留

夷俗均輸問火田江分巴字水樹入夜即煙毒

瘴含秋氣集作  
景

陰崖蔽集作  
附

曙天路難空計日身老不由

年將命寧知集作  
辭

遠歸心詎可傳星郎復何意集作  
事

出守

五溪邊

長安早春贈萬評事

前人

春風歸集作  
過

戚里曉日上花枝清管新鶯集作  
聲

發重門細

柳垂經過千騎客調笑五陵兒何事靈臺客集作  
宿

狂歌自

一作  
獨不知

暮春沐髮晦日書懷寄常功曹胤李錄事從

訓王少府純

前人



朝沐敞南闈集作扉盤珊待日晞集作揚梳髮更落覽鏡意  
多違無有見嘗少春風去不歸登臨至一醉集作登二高猶  
可及芳菲

新秋夜寄江右友人

前人

遙夜獨不寐寂寥蓬戶中河明五陵上月滿九門東舊知  
一作萬里親友散故園江海空懷歸正南望此夕起秋風

贈常評事儋

前人

與道共浮沉人間歲月深是非園吏夢憂喜塞翁心細草  
集作竹誰開徑芳條自結陰由來居物外無事可抽簪

早春書情寄河南崔少府

此詩見二百五十六卷

前人

早發陝州途中贈嚴祕書

此詩見二百五十六卷

前人

潭州使院書情寄江夏賀蘭副端

前人

雲雨一蕭散悠悠關塞一作復河俱從泛舟役近隔洞庭波

春水去不盡秋風今又過無因得相見却恨寄書多

贈司空拾遺

前人

侍臣何事辭雲陛江上彈冠見雪花望闕未承舟鳳詔開  
門空對楚人家陳琳草奏才還在王粲登樓興不賒高館  
更容塵外客仍令歸去待瓊華

喜嚴侍御蜀還贈嚴祕書

此詩見二百五十六卷

前人

上薛僕射

因謙

秦系

由來那敢議輕肥散髮行歌自採薇逋客未能忘野興辟  
書今遣脫荷衣家中匹婦空相笑池上群鷗盡欲飛更乞  
大賢容小隱益看愚谷有光輝

山中贈張評事時授右衛佐

前人

終年常避喧自銜五千言流水關過院春風與閉門山峇  
遂上客桂實落華軒何事教予起微言不足論



山中寄錢起負外無苗負外發 前人

空山歲計是胡麻窮海無梁泛一槎稚子唯能覓梨栗  
逸妻相共老煙霞  
詠吟麗句驚巢鶴閉樹疑作春風看落花借問省中何水部今人幾箇屬詩家

鮑負外見尋因書情呈贈 曾與系 同舉場 前人

少小為儒不自彊如今羞懶見侯王  
覽鏡自知身漸老買山將作計偏長  
荒涼鳥獸同三逕撩亂琴書共一床  
猶有即官來問疾時人莫道我佯狂

途中寄友人 孟雲卿

昔時聞遠路謂是等閑行及到求人地始知為客情  
事將公道背塵遠馬蹄生僧履長如此便堪休去程

文苑英華卷第二百五十五

登仕郎胡柯 鄉貢進士彭叔夏 校正

文苑英華卷第二百五十六

詩一百六

寄贈十

崔峒十首 奚賈一首

沈如筠一首 張南史五首

權德輿六首 劉方平三首

于良史三首 戎昱六首

于鵠五首 梁鍾一首

朱長文一首 李季蘭二首

釋清江五首

揚州選蒙相公賞判雪後呈上 崔峒

自得山公許休耕海上田  
漸看長史傳欲弃釣魚船窮巷  
殷憂日蕪城雨雪天此時瞻相府心事比旌懸

初拜命酬丘丹見贈 已見二百四十四卷 前人



寄上禮部李侍郎

前人

吳楚相逢處江湖共泛時任風舟去遠待月酒行塵白髮  
常同數青雲本要期貴來君却少秋至老悲玉佩明朝盛  
蒼苔陋巷滋追尋恨無路唯有夢相思

客舍書情寄趙中丞

前人

東楚復西秦浮雲類此身關山勞策蹇僮僕慣投人孤客  
來千里全家託四隣生涯難自料中夜間情親

客舍有懷因呈諸在事

前人

讀書常苦節待詔豈辭貧暮雪猶驅馬哺食又寄人愁來  
占吉夢老去惜良辰延首平津閣家山日已春

書懷寄楊郭李王判官

前人

慣作雲林客因成懶慢人吏欺從政緩一作妻笑理家貧李  
郭應時望王揚入幕頻從容丞相閣知憶故園春

書情寄上蘇州韋使君兼呈吳縣李明府

前人

數年湖上謝浮名竹杖紗巾遂性情雲外有時逢寺宿日  
西無事傍江行陶潛縣裏看花發庾亮樓中對月明誰念  
獻書來萬里君深在九重城

贈同官李明府

前人

訟堂寂寂對煙霞五柳門前聚曉鷗流水聲中視公事寒  
山影裏見人家觀風競羨新為政計日還知舊觸邪可惜  
陶潛無限酒不逢籬菊正闌花

贈竇十九

前人

時公車待詔長安  
靈臺暮宿意多違木落花開美客歸江海幾時傳錦字風  
塵不覓化緇衣山陽會裏同人少灞曲農時故老稀幸得  
漢皇容直諫憐君未遇覓人非

處州見鄭表新詩因以寄贈

前人



梅花嶺裏見新詩，感激情深過楚詞。平子四愁今莫比，休  
文八詠自同時。萍鄉露冕真堪惜，鳳沼鳴珂已訝遲。才子  
風流定難見，湖南春草但相思。

嚴陵灘下寄常建

奚賈

日入溪水靜，偶真此亦難。乃知滄州人，成道因釣竿。漾檝  
坐微月，振衣生早寒。紛吾誠獨往，自速耽考槃。已息漢陰  
誚，且同濠上觀。曠然心無涯，空問容膝安。

寄張徵古

沈如筠

寂歷遠山意，微暝半空碧。綠蘿無冬春，綠煙竟朝夕。張子  
海內寄，久為巖中客。聖君當夢想，安得老松石。

寄中書李舍人

張南史

昨夜淒斷處，對月與臨風。鶴病三江上，蘭衰百草中。題詩  
隨謝客，飲酒寄黃翁。早歲心相待，還因貴賤同。

早春書事奉寄中書舍人李

前人

儒服山東士，衡門洛下居。風塵遊上路，簡冊委空廬。戎馬  
生郊日，賢人避地初。竄身初浩蕩，投跡豈躊躇。翠羽憐窮  
鳥，瓊枝顧散樗。還令親道術，倒欲混樵漁。弊緼袍多補，飛  
蓬鬢少梳。誦詩陪賈誼，酌醞伴應璩。鶴膝兵家備，鳧茨儉  
歲儲。泊舟依野水，開筵接園蔬。暫閱新山澤，長懷故里閭。  
思賢乘卽月，覽古到荒墟。在竹慙充箭，為蘭幸免鋤。那堪  
聞相府，更遣詣公車。蹇終難進，頻眉竟未舒。事從因疾止，  
生寄負恩餘。不見神仙久，無由鄙怯祛。帝庭張禮樂，天  
閣綉簪裾。日色浮青瑩，香煙近玉除。神清王子敬，氣逐馬  
如銅。漏聞常靜金門步，轉徐唯看五字表。不記八行書，宿  
昔投知己。周旋謝起予，祇應高位隔。詎是故情疎，為報周  
多士。須憐楚子虛，一身從棄置。四節暮諸柳，發三條陌花。



飛六輔渠靈盤侵沆瀣龍首映儲昏北海樽留客西江水  
救魚長安同日遠不敢詠歸歟

宣城雪後還望郡中寄孟侍御 前人

臘後年華變關西駟騎遙塞鴻連暮雪江柳動寒條山水  
還羣郡圖書入漢朝高樓非別處故吏百憂銷

春山道中寄孟侍御 前人

春來遊子傍歸路時有白雲遮獨行水流亂赴石潭響花  
開不知山樹名誰家魚網求鮮食幾處人煙事火耕昨日  
已嘗村酒熟一盃思與孟嘉傾

江北春望贈皇甫補闕 前人

閑園柳綠井桃紅野逕荒墟左右通清迴獨連江水北芳  
菲更似洛城東看時雨歇入歸岫每覓潮來樹起風聞道  
金門堪濟世何須身與海鷗同

璩授京兆府參軍戲書以示兼呈獨孤即權德輿  
見爾府中趨初官足慰吾老牛還舐犢凡鳥亦將鵲喜至  
翻成感癡來或故殊因慙玉潤客應笑此飛夫

國子柳博士兼領太常博士輒申賀贈 前人

博士本秦官求才帖職難臨風曲臺淨對月璧池寒講字分  
陰重齊祠曉漏殘朝衣辨色處雙綬更宜看

戶部王曹長揚考功崔刑部二院長並同鍾陵使  
府之舊因以寄贈又陪郎署喜甚常寮因以書

所懷且叙前好 集作所知 前人

忽驚西江侶共作南宮郎宿昔芝蘭室今茲鴛鴦行子猷

美風味左戶推公器含毫白雪飛出匣青萍利子雲常 集作嘗非

燕居作賦似相如閑成考課奏別貢院能 集作賢良 書子玉諒

貞實持刑慎丹筆秋天鴻鵠姿晚歲松筠管伊予誠薄才



何幸復趨陪偶來塵右掖空此憶中臺時節東流駛悲歡  
追往事待月登庾樓排雲上蕭寺盍簪蓮府燕落帽龍沙  
醉極浦送風帆靈山眺烟翠解頤通善謔喻指窮精義榻  
管或飛章分曹時按吏雨散與蓬飄秦吳兩寂寥方期全  
擁腫豈望躡扶搖夜直分三署晨趨共九霄外庭時接武廣  
陌更連鑿北極星辰拱南薰氣序調欣隨衆君子並立聖  
明朝

晚渡揚子江却寄江南親故

前人

反照滿寒流輕舟任搖漾支頤見千里烟景非一狀遠岫有  
無中片帆風水上天清去鳥滅浦迴寒沙漲樹晚疊秋嵐江  
空翻宿浪宵中千萬慮對此一清曠迴首碧雲深佳人不  
可望

祇命赴京途次淮口因書所懷却寄使府

君羊公

前人

弱植素寡偶趁時非所在感恩再登龍求友皆斷金虺炳  
觀竒彩淒銜聞雅音適欣佳期接遽歎離思侵靡靡尊依  
道冲冲勞寸心難成獨酌謠空奏伐木吟沉寥清冬時蕭  
素白昼陰交懽諒如昨滯念紛在今因風試矯翼倦飛會  
歸林向晚清淮駛迴首楚雲深

早發杭州泛富春江寄陸三十六

集作一  
公祐

集作佐

前人

候曉起徒馭春江多好風白波連青雲蕩漾晨光中四望  
浩無際沉憂將此同未離奔走途但恐成悲翁俯見觸餌  
鱗仰目凌霄霄鴻纓塵日已厚心累何時空區區此人世所  
向皆樊籠唯應杯中物醒醉為窮通故人玄圃姿瓊樹紛  
青葱終當此山北

集作去

共結蘭桂叢



寄隴右嚴判官

劉方平

副相西征重蒼生屬 辰還同周薄伐不取漢和親虜陣  
摧枯易王師決勝頻高旗臨鼓角太白靜風塵赤狄爭歸  
化青羗已請臣遙聞外美盛選幕中賓玉劍光初發冰壺  
色自真忠貞期報主章服豈容身邊草含風綠征鴻過月  
新胡茄長出塞隴水半歸秦絕漠多來往連年厭苦辛  
路經西漢雪家擲後園春誰念烟雲裏深居汝穎濱一叢  
黃菊地九日白衣人松葉踈開嶺桃花密映津縑書若有  
寄為訪許由隣

寄嚴八判官

前人

洛陽新月動秋砧翰海沙場天半陰出塞能全仲叔策安  
親更切老萊心漢家宮裏風雲晚羗笛聲中雨雪深懷袖  
未傳三歲字相思空作隴頭吟

秋夜寄皇甫冉鄭豐

前人

洛陽清夜白雲歸城裏長河別宿稀秋後見飛千里鴈日  
中鳴鳩萬家衣長憐西壅青門道久別東吳黃鵠磯借問  
客書何所寄用心不啻兩鄉違

閑居寄薛華

于良史

隱机讀黃卷閑居耳目清僻居人事少多病道心生雨  
洗山木濕鴉鳴池館清晚來因廢卷行藥至西城

冬日野望寄李贊府

前人

地險朝陽滿天邊宿霧收風兼殘月起河帶斷水流北關  
馳心極南圖尚旋遊登臨思不已何處得銷愁

宿藍田山口奉寄沈員外

前人

山暝飛羣鳥川長泛四隣烟歸河畔草月照渡頭人朋友  
懷東道鄉關恋北辰去留無所適歧路獨迷津



贈宜陽張使君

戎昱

暫作宜陽客深知太守賢政移千里俗人戴兩重天舊郭多新室閑坡盡僻田倘令黃霸在今日耻同年

再赴桂州先寄

二字集作上

李大夫

前人

玷玉其長棄朱門喜再遊過因諗後重思合死前酬養曠須憐瘦我松莫厭秋今朝兩行淚一半血和流

上桂州李大夫

前人

今日辭門館情將衆別殊感深翻有淚仁過曲憐愚曉鏡傷秋髮晴寒切病軀烟波萬里闊宇宙一身孤倚馬才寧有登龍意豈無唯於方寸內暗貯報恩珠

桂州西山登高上陸大夫

前人

登高上山上高處更堪愁野菊他鄉酒蘆花滿眼秋風烟連楚郡兄弟愛荊州早晚朝天去親隨定遠侯

上湖南崔中丞

前人

上山青松陌上塵雲泥豈合得相親舉世盡嫌良馬瘦唯君不馭臥龍貧千金未必能移性一諾從來擬殺身莫道書生無感激寸心還是報恩人

不馭類詩作不棄

贈岑郎中

前人

童年未解書讀書時誦得郎中數首詩四海烟塵猶隔閣十年夢魂每相思雖欣披霧逢迎疾已恨趨風拜識遲天下無人鑒詩句不尋詩伯更尋誰

贈李太守

于鵠

幾年為郡守家似布衣貧沽酒迎幽客無金與近臣擣茶書院靜講易藥堂春歸闕功成後隨車有野人

山中寄襄陽樊司空

集作僕射

前人

却憶東溪日同年並季儒僧房閑共宿酒肆醉相扶



天畔雙旌貴山中病客孤無媒還有計春谷種桑榆

寄中山韋証

前人

懶成身似病因醉臥多時送客出溪少讀書終卷遲幽窓  
聞墜葉晴景見遊絲早晚來收藥門前有紫芝

途中寄陽陟

集作涉

前人

蕭蕭蘆荻晚一徑入荒坡日色雲收處蛙聲雨歇時前村  
見來久羸馬自行遲聞作王門客應寒白接惟

此詩二百十八卷重出今已削去注異同為一作

醉後寄山中友人

前人

昨日山家春酒濃野人相勸久從容獨憶卸冠服細草不  
知誰送出寒松都忘醉後逢廉度不省歸時見魯恭知己尚  
嫌身醪酲路人應恐笑龍鍾

贈李中華

梁鍾

莫向嵩山去神仙多誤人不如朝魏闕天子重賢臣

春眺揚州西上岡寄徐負外

朱長文

蕪城西眺極滄流漠漠春烟閣樹樓瓜步早朝吞建業蒨  
山晴雪照揚州隨家故事不能問鶴在仙池期我遊

寄歸校書十七兄

李季蘭

無事烏程縣蹉跎歲月餘不知芸閣吏寂寞意何如遠水  
浮仙棹寒星伴使車因過大雷岸莫忘八行書

得閻伯鈞書

前人

情來對鏡懶梳頭暮雨蕭蕭庭樹愁莫恠闌干垂玉筯只緣  
惆悵對銀鈎

喜嚴侍御蜀還贈嚴祕書

釋清江

往年分首出咸秦木落花開秋又春江客不知曾蜀路旋  
魂何處訪情人當時望月思文友今日迎春見近臣



多羨二龍同漢代綉衣芸閣共榮親

此詩二百五十五卷重出用字多誤無可取今已削去

月夜有懷王端公兼簡朱孫二判官 前人

月照疎林驚鵲飛  
人此夜共無依  
青門旅寓身空老  
白首頭施力漸微  
屢前曲池陪逸少  
幾迴戎幕接玄暉  
四科弟子稱文季  
五馬諸侯是綉衣  
江鴈往來曾不定  
野雲搖曳本無機  
修行未盡身將盡  
欲向東山掩舊扉

早發陝州途中贈嚴祕書 前人

此身雖不繫憂道亦勞生  
萬里江湖夢千山雨雪行人家  
依舊壘關路閉層城未盡交  
河虜猶屯細柳兵艱難嗟遠  
客棲託賴深情貧病一作苦吾將一作何有精修許一作謝  
少卿

早春書情寄河南崔少府 前人

日日東風至陽和似不均  
病身一作安空益老愁一作衰鬢不  
知春宇宙成遺物光陰促幼身  
客遊傷末路心事向行人  
道薄猶懷土一作玉時難欲馱貧  
微才如可寄赤縣有鄉親  
右二詩二百五十五卷重出並已削去注異同為一作

登樓望月寄鳳翔李少尹 前人

陌上涼風槐葉凋  
夕陽清露濕寒條  
登樓望月楚山上月  
到樓南山獨遙心送秦人  
趨鳳闕日隨陽鴈極烟霄  
軒車不重無名客地此誰能訪寂寥

文苑英華卷第二百五十六

登仕郎胡柯 鄉貢進士彭叔夏 校正



文苑英華卷第二百五十七

詩一百七

寄贈十一

釋清江二首

釋靈一一首

釋護國二首

釋法照二首

釋皎然十三首

楊巨源八首

楊衡三首

歐陽詹五首

韓愈九首

元稹三首

贈淮西賈兵馬使

釋清江

破虜功成石戰場天書新拜漢中郎映門旌旆春風起對  
客絃歌白日長塔下鬪鷄花乍發營南試柳馬初黃由來  
吳楚多同調感激逢君共異鄉

此詩重見三百卷中  
但姓名及四字不同

江行寄舍人

又玄集作  
寄張舍人

釋靈一

客程終日苦風塵蓬轉還家未有期林色曉分殘雪後角



聲寒、奏落帆時月高星使東看遠雲破霜鴻欲度遲流  
蕩此心難共說千峯澄霽隔瓊枝

山中寄王員外

釋護國

寫問幽蘭桂空山復若何芬芳終有分採拆更誰過望在  
軒堦近恩霑雨露多移君儻得地長願接瓊柯

寄錢郎中

釋法照

閉門深樹裏閑足鳥來過五馬不復貴一僧誰奈何藥苗  
家自有香飯乞時多寄語婢媵客將心向薜蘿

奉賀顏使君真卿二十八日隔絕自河北遠

歸

釋皎然

相一作失值氛煙纔應掌上去年久離驚貌長多難喜身  
全此信尚書重加威太守憐滿庭看玉樹更有一枝連

春日杼山寄贈李員外綬

前人

南山唯與北山隣一閉禪門來此身集作古寺連黃鶴有

心多不住白雲何事獨相親閑持竹錫時看水懶繫麻衣

出見人無限幽芳徒欲寄集作欲撥幽郎官那許集作

石門春

贈李中丞洪

前人

深沉閫外格一作奕世當榮寄地裂大將軍家傳介珪瑞

至今漳河浴由受仁人賜公初鎮惟荆决勝無精兵重圍

逼大敵六月守孤城政用仁恕立恩猶疑作賞罰明遂令

麾下士感德不顧生子時聞王師諸將名頗瀆天子狩南漢

塵烟滿函谷純臣獨耿介下士多返覆明公仗忠節一言

感萬夫物性如蒺藜化作春蘭敷見諛金被爍終期玉有

瑜移官萬里道君子情何如



伊昔避事心乃是方袍客頓了空心旨仍高致君策安知  
七十年一朝值宗伯言如及情風醒然開我懷宴息與蓮  
藪不將衣褐垂海底取明月徹波不可度上有臣蟒吞下  
多一作毒龍護一語吾師言乃於中心悟咄哉冥冥子胡  
爲塵自汚

採實心竹枝寄贈李萼侍御

前人

竹杖倚碧鮮步林賞高直實心去內矯全節無外飾行藥  
聊自扶持危資爾力初生在榛莽孤秀豈封植千雪不死  
枝贈君期君識

秋宵書事寄吳馮處士

前人

直集作性在方丈寂寥集作寥寥無四鄰秋天月色正清夜道  
心真大夢觀前事浮名悟此身不知庭樹意榮落感何  
人

贈和平事判官

前人

廷評年少法家流心似澄江月正秋冬究天人知遠識權  
分鹽鐵許良筆春風憶酒烏家近好月論禪謝寺幽清白  
此來誰見賞憐君獨有富人候

貽李湯

前人

茅氏常論七真記壺公好說三山事寧知梅福在人間  
獨爲蒼生仙作吏日服丹砂骨自清膚如冰雪心更明山  
中玉筍是仙藥袖裏素書自題養生願隨黃鶴一輕竿仰  
望青霄獨延佇平生好駿君已知何必山陰訪王許

贈韓武康

前人

山僧雖不飲沽酒引陶潛此興少一作無人別多爲俗士嫌

戲呈烏吳馮

前人

世人不知心是道只言道在他方妙還如瞽老望長安長



安在西向東笑

贈常卓陸羽

前人

只將陶與謝終日可忘情不欲多相識逢人懶道名

聽寒更寄朱兵曹巨川

前人

歌枕聽寒更寒更發還住一夜千萬聲幾聲到君處

疾愈寄人

前人

衰樂暗成疾卧中芳月移西山有清士孤嘯不可追擣藥

曙林靜汲泉陰澗遲微蹤與麋鹿遠謝求羊一作舊交知

對陸迅飲天目山茶因寄元居士晟 前人

喜見幽人會初開野客茶日成東井葉露採北山芽文火

香偏盛寒泉轉嘉投鐺湧作沫着椀聚生花稍與禪經

迎聊將睡網賒知君在天目此意日無涯

上劉侍中

楊巨源

命代生申甫承家翊禹湯廟謨膺閩氣師律動青霜鍾鼎

勳庸大山河一作河誠誓長英姿凌虎視逸步壓龍驤道協陶

鈞力思迴日月光一言弘社稷九命備珪璋政洽軍逾肅

仁敷物已康朱門重祭戰丹詔半練細位惣雲龍野師

臨涿鹿鄉射鵬天更碧吹角色仍黃深入平夷落橫行關

漢疆功垂貞石遠名映色絲香一作度磧瞻貌武臨池識

鳳凰舞腰凝綺榭歌響拂雕梁杯淨傳鸚鵡裘鮮照鸚鵡

吟詩白羽扇校獵綠沉槍風景佳人地烟沙壯士場幕中

邀謝鑒一作監麾一作麾下得周郎珠影含空徹瓊枝映座芳王

渾知武子陳寔獎元方富貴春無限歡娛夜未央管絃隨

玉帳樽俎奉金章俗理寧因勸邊城詎假防軍容雄朔

漠公皇冠嚴郎分野隣孤島京坻溢萬箱曙華分碣石

秋色人漁陽城遠迷玄兔川明辨白狼忠賢多感激今



古共倉茫堤擁紅蕖艷橋分翠柳行軒車紛自至亭館  
鬱相當珍簾迴煩暑曾軒引早涼聽琴知思靜說劍覓  
神揚佳景燕臺上清輝鄭驛傍鼓鼓或作喧北里珪  
玉映東林敢銜由之恐其循賜也墻官微思假路戰勝忝  
升堂欲奮三年翼頻迴一夕陽消愁期酒聖乘興任詩狂  
海內栽桃李天涯荷一作稻梁昇沉門下意一作客誰道在蒼倉

一作皆百家詩選

贈史開封

前人

天低荒草誓師壇鄧文心知戰地寬鼓角迴隔霜野曙  
旌旗高對雪峯寒五營向水紅塵起一劍當風白日看  
曾從伏波征絕域磧西蕃部怯金鞍

贈侯侍御

前人

步逸辭羣迹機真結素心一作機志敦詩揚大雅映古酌

高音逃福栖蝸舍因醒解手簪紫蘭秋露濕黃鶴晚天  
陰舊業餘荒草黃山出遠林月明多宿寺世亂重悲琴  
霄漢時應在詩書道未沉坐期間闔闔雲暖一開襟

懷德抒情寄上信州座主

前人

五馬江天郡諸生淡共垂謙餘明主德恩在侍臣知悵望  
緘雙鯉龍鍾假一枝玉峯遙寄夢雲海暗傷離幢蓋全家  
去琴書首路隨滄州值康樂明月向元規鷓鳳終交漢蛟  
龍會出池蕙香因掃發松色肯寒移舉世瞻風藻當朝  
揖羽儀加食門下意溪水綠逶迤

春晚東歸留贈李功曹

前人

芳田岐路斜脉脉昔年華雲路青絲綺香含翠憶車歌  
聲仍隔水醉色本侵花唯有懷鄉客東飛羨曙鷄

奉寄通州袁九侍御

前人



大明宮殿鬱蒼蒼紫禁龍鍾直署香九陌華軒爭道  
路一枝寒玉任煙霜須聽瑞雪傳心語莫被帝袿續淚行  
共說聖朝容直氣期君新歲奉恩光

贈渾詎中允

前人

公子髫年四海聞城南侍獵雪紛紛馬盤曠野弦開月鴈  
落寒原箭在雲曾向天西穿虜陣慣遊花下領儒羣一枝  
瓊萼朝光好綵服飄飄後冠軍

贈後弟茂卿

前人

吾後一作家驥足揚茂卿性靈且竒才甚清海內方微風雅  
道鄴中更有文章盟扣寂由來在淵思搜竒本自通禪智  
王維證時符水月杜甫狂處遺天地流水東西歧路分幽  
州迢遞舊來聞若為向此驅疲馬山似寒空塞似雲

南海苦雨寄贈王四侍御

見一百五十四卷

揚衡

寄贈田倉曹灣

前人

芳蘭媚庭除灼灼紅英舒身為陋巷客門有絳軒車朝覽  
夷吾傳暮習穎陽書眇雲高羽翼待價蘊璠璣纓弁雖云  
阻音塵豈復疎若因風雨晦應念寂寥居

秋夜閑居即事寄廬山鄭員外蜀郡符

處士

前人

憂思繁未整良辰會無由引領逢佳音星紀晏已週蓬  
浪絕華耀况乃處窮愁墜月寒擁砌燈火夜悠悠  
琴弄清絃窺月俯澄流冉冉鴻鴈度蕭蕭  
帷箔秋悵懷石門詠緬慕或作邈碧鷄鬢髮蒙顏色崇蘭隱芳洲

詠德上太原李尚書

歐陽詹

那以公方郭細矣并州非復舊并州九重帝宅司丹地  
十萬兵樞擁碧油鏘玉半為趨閣吏腰金皆是走庭流



王褒見一作頌德空知頌一作感身在三千最上頭 以下五篇並見集本

太原旅懷呈薛十八侍御齊十二奉禮 前人

前來稱英雋有食主人魚後來曰賢才又受主人車伊予亦  
投刺恩煦胡凋踈既覩主人面復見集作獻主人書餽口百家周  
賃廡三月餘眼見寒序臻生送秋光除西日愨飢腸比風疾集  
作集締裾升堂有知音此意當何如

李評事公進示文集因贈之 前人

風雅不墜地五言始君先希微嘉會章杳冥河梁篇篇理  
蔓語無枝言一意則千往來更後人澆蕩醜前源傾筐實  
不收棟宇筆爭繁大教護微旨哲人生今孫高颺激頽波  
坐使橫流翻昔日越重阻側聆滄海傳逮茲覲清揚幸  
覩青琅編冷冷中山醇片片崑丘璠一盃有餘味再覽  
光增鮮對寶人皆鑒握筆良自妍吾其告先師六義

今還全

徐十八晦落第 前人

嘉穀不夏熟大器當晚成徐生異凡鳥安得非時鳴汲汲  
有所集作收為驅驅無本情慤哉蒼梧鳳終見排雲征

春日途中寄故園所親 前人

客路度年華故園云未返悠悠去源水日日只有遠始歎  
秋葉零又看春草晚寄書南飛鴻相憶劇衆本作劇鄉縣中可疑

上襄陽相公集作醉中留別襄州李相公 韓愈心

奉使鎮州次承天行營上上字一作奉酬裴司空相

公 前人

竄逐三年海上歸逢公復此着征衣旋吟佳句還鞭馬恨  
不身先去鳥飛

次石頭驛寄江西王十中丞閣老 前人



馮高迴馬一作試回首一望豫章城人由志德泣馬亦別君羊鳴

寒日夕始照江風遠漸平默然都不語應識此時情

自袁州除官還京行次安陸先寄隨州周循  
員外

行行指漢東暫喜笑言同雨雪離江上蕪篔出夢中面  
猶含瘴色眼已見華風歲暮難相值酣歌未可終

兩中寄張博士籍侯主簿喜見己一百五十四卷前入  
奉使常山次太原呈副使吳郎中前入

朗朗聞街鼓晨起似朝時翻翻走驛馬春盡是歸期地失  
嘉禾處風存蟋蟀辭暮齒良多感無事涕垂頤

將入集作韶州先寄張端公借圖經前入

曲江山水聞來久恐不知名訪陪難願借圖經將入界每  
逢佳處便開看

長安交遊者贈孟郊

前入

長安交遊者貧富各有徒親朋相遇時亦各有以娛西室  
有文史高門有箏竽何能辨榮悴且欲分賢愚

崔贈崔立之

前入

昔者十日雨子桑若寒饑集作子桑寒且飢哀歌坐空室集作房不  
怨但自悲其友名子輿忽然一憂且思褰裳觸泥水裹飯往

食之入門相對語天命良不疑好是漆園吏書之存雄詞  
千年事已遠二子情可推我讀此篇日正當寒雪集作時雨

吾身固已困吾友復何為薄粥不足裹深泥諒難馳曾無  
子輿事空賦子桑詩

見人詠韓舍人新律詩因有戲贈

元稹

喜聞韓古調兼愛近詩篇玉磬聲聲徹金鈴箇箇圓高竦  
明翠細膩早春前花態繁於綺閣情軟似綿輕新便妓



娼疑妙人僧禪欲得人人伏能教面面全集作延清之苦拘  
檢摩枯好因緣七字排居敬千詩敵樂天侍御八兄能為七  
好作百韻律詩殷勤閑太祝張君好去老通川謂自莫漫裁章句韻

饒紫禁仙

越中寄白樂天集作以州宅

前人

州城迴繞拂雲堆鏡水水稽山滿眼來四面常特對屏障  
一家終日在樓臺星河似向簷前落鼓角驚從地底迴我是  
王皇香案吏降集作居猶得往蓬萊

重誇州宅旦暮景色兼酬前篇末句前人

仙都難畫亦難書暫合臨登不合居繞郭烟風新雨後滿  
山樓閣上燈初人聲曉動千門闕湖色宵涵萬象虛為問西州

羅刹石樂天各微之詩題云落風波集作衝突近何如

文苑英華卷第二百五七 登仕郎胡柯 鄉貢進士彭叔夏校正

文苑英華卷第二百五十八 詩一百八

寄贈十二

劉禹錫十七首

白居易二十三首

殷堯藩一首

分司東都蒙襄陽李司徒相公書問因以奉寄

劉禹錫

早忝金馬客暮一作為商洛翁知名四海內多病一生中  
舉世往還盡何人心事同幾時登峴首恃舊揖三公

以下十七篇並見集本

元和癸巳歲仲秋詔發江陵偏師問罪蠻徵  
命後宣慰釋兵歸降凱旋之辰率爾成詠寄

荆南嚴司空

前人

蠻水阻朝宗兵符下渚官前籌得上策無戰已成功漢使



星飛入夷心草偃同歡謔開竹棧拜舞擲桑弓就日知兵  
釋投人念鳥窮網羅三面解章奏九門通弁服照操袂彫  
題盡鞠躬降幡秋練白驛騎晝塵紅火號休傳警機橋罷  
亘空登山不見虜振旆自生風江遠烟波靜軍回氣色確  
佇看聞喜後金石賜元戎

贈澧州高大夫司馬霞寓

前人

前年牧集作收錦城馬踏血流行千里追戎首三軍許勇名  
殘兵疑鶴唳空壘辨鳥聲一誤雲中級南遊湘水清

請告東歸發灞橋却寄諸僚友

前人

征徒出灞浹浹回首傷如何故人雲水集作雨散滿目山川多行  
車無停軌流景同迅波前歡漸成昔感歎益勞歌

思歸寄山中友人

前人

蕭條對秋色相憶在雲泉木落病身起潮平歸思懸涼鍾

山頂寺暝火渡頭船此地非吾土閑留又一年

途次華州陪錢大夫登城北樓春望因觀李崔  
令狐三相國唱和之什翰林舊侶繼踵華城山  
水清高鸞鳳翔集皆黍夙眷遂題是詩

前人

城樓四望出風塵見盡關西渭北春百二山河歸集作歸上  
國一雙旌旆委名臣壁中今日題詩處一作句天上同時草  
詔人莫恠老郎呈濫吹官途離別舊情親

蘇州白舍人寄新詩有歎早白無兒之句因以  
贈之

前人

莫嗟華髮與無兒却是人間久遠期雪裏高山頭白早海  
中仙菓子生遲于公必有高門慶謝守何煩曉悲幸免鏡  
如新分非淺祝君長詠夢熊一作熊詩高山本高于門使之高  
二義殊古之詩流曉此

河南王少尹宅讌張常侍白舍人兼呈盧李副使時充  
册



烏司徒使至洛中此詩已見二百十六卷

滿地此篇作滿院

前人

覽董評事思歸之什因以詩贈

前人

幾年油幕佐征東却泛滄狎釣童教枕醉眠成戲蝶抱琴  
閑望送歸鴻文儒自襲膠西相倚伏能齊塞上翁更說扁  
舟動鄉思青菰已熟奈秋風

早春對雪寄澧州元郎中

前人

新賜魚書墨未乾賢人暫屈遠人安朝驅旌旆行時令夜  
見星辰憶舊官梅蕊覆階鈴閣煖雪峯當戶戟枝寒寧知  
楚客思公子北望長吟澧有蘭

蒙恩轉儀曹即依前充集賢學士舉歸湖州

自代因寄七言

前人

翔鸞閣下謝恩初通籍由來在石渠暫入南宮判祥瑞還  
歸內殿閱圖書故人猶在三江外同病凡經二紀餘今日

薦君嗟久滯不唯文體似相如

竇朗州見示與澧州元郎中早秋贈答命

同作

前人

隣境諸侯同舍郎芷江蘭浦恨無梁秋風門外旌旗動曉  
露庭中橘柚香玉簟微涼宜白晝金茄入暮應清商騷人  
昨夜聞鷓鴣不歎流年惜衆芳

贈致仕滕庶子先輩

時及第人中最老

前人

朝服歸來晝景榮登科記上更無兄壽觴每使一作許曾孫  
獻勝境長携衆妓行矍鑠據鞍能騁健殷勤把酒尚多情  
凌寒却向山陰去衣繡即君雪裏迎時令子為御史主務在越中

美温尚書鎮定興元以詩寄賀

前人

旌旗入境犬無聲戮盡鯨鯢漢水清從此世人聞耳目始  
知老將出書生



寄陝州姚中丞

前人

八月天地肅二陵風雨收旌旗闕下來雲日關東秋禹跡  
想前事漢臺餘故立徘徊襟帶地左右帝王州留滯悲昔  
老恩光榮徹侯想想思望棠樹一寄商聲謳

為即分司寄上都同舍

前人

籍通金馬門身在銅駝陌省闈書無塵宮樹遠凝碧荒塔  
蘇淺深集作荒街古渡潺湲石唯有高丘雲堪誇早朝客

裴祭酒尚書見示春歸城南青松塢別墅寄王

左丞高侍郎之什命同作

前人

早官閱人事晚懷生道機時從學省出獨望郊園歸野約  
渡春水山花映巖扉石頭解金章林下步綠微青松樹爵  
成塢修竹盈尺圍吟風起天籟蔽日無炎威危逕盤羊  
腸連蕩從鸞軍飛幽谷響樵斧澄江環釣磯因高見帝城

蓋揚光輝白雲難持寄清韻投所希二公如長離北翼翔  
太微含情謝林壑酌唱迸珠璣顧予久即潛愁寂對芳菲  
一聞丘中趣再撫黃金徽

寄獻北都留守裴公令

白居易

天上中台正人間一品高中書令上應中休明值堯舜勳

業過蕭曹始擅文三捷進士及第傳各終兼武六韜動人

名赫赫憂國意忉忉伐蔡擒封豕吳元平齊斬巨鼉

李師道也兩河收土宇四海定波濤寵重移宮籓自東都留守

恩新換闔苑保釐東宅靜周公召公守護北門牢晉國封

疆闕并州士馬豪胡兵驚赤幟邊鴈避烏號令下流如水

仁沾澤似膏路喧歌五袴軍醉感單醪將校森貔武賓僚

儼雋髦客無煩夜柝吏不犯秋毫神在臺駘助魂亡獫狁

逃德星銷彗孛霖雨戒腥臊烽戍高臨代關河遠控洮汾



雲時集作晴漠漠時吹冷颼颼豹尾交牙戟虬鬚捧佩刀通

天白犀帶照地錦鱗袍羌管吹楊柳燕姬酌蒲萄蒲萄酒出太原

銀含鑿落線集作蓋金屑琵琶槽遙想從軍樂應忘報國勞

紫微留北闕中書令即紫微令也綠野寄東臯野綠堂在東都午橋庄也忽憶前

時會多暫下客叨清霄陪讌語美景從遊遨花月還同賞

琴詩雅自操朱絃拂宮徵洪筆振風騷近竹開方丈依林

架桔槔春池八九曲畫舫兩三艘徑滑苔粘履潭深水沒

篙綠絲縈岸柳紅粉映樓桃皆午橋庄中景物之嘉者為穆先陳醴易居

每十角日在會常蒙以三勤湯代酒招劉共藉糟劉嘉得也舞環金翡翠歌領玉

蟻齊蠶盛德終難退明時豈易遭公雖慕張范張良范蠡帝未捨

伊臯眷恋心方結踟躕首已搔鳶鳳上寥廓燕雀住蓬蒿

欲獻文狂簡徒煩思鬱陶可憐四百字輕重抵鴻毛

以下二十三篇並見集本

錢侍郎使君以題廬山草堂詩見示以戲之作集

見寄因酬之

此篇三百十四卷重出今以削去

前人

殷勤江郡守悵望掖垣郎慙見新瓊什思歸舊草堂事隨心未得名與道相妨若不休官去人間到老忙

贈江州李十使君負外

前人

我本江湖上悠悠任運身朝隨採樵集作賣藥客暮伴打魚人

跡為燒丹隱家緣嗜酒經過剡溪雪尋覓武陵春豈有

踈狂性堪為侍從臣仰頭驚鳳閣下口觸龍鱗劍佩辭

天上風波向海濱非賢虛偶聖無屈可求伸昔去曾同

日今來即後塵元和未與余李員外同日中年俱白髮

集作鬚左官各朱輪長短才雖異榮枯事畧均殷勤李員

外不合不相親

初到郡齋寄錢湖州李蘇州聊取二郡一晒故



有落句之戲

前人

俱來滄海郡半作白頭翁謾道風烟接何曾笑語同吏  
稀秋稅畢客散晚亭空霽後當樓月潮來滿座風雲溪  
殊冷僻茂苑大繁雄唯有錢塘郡閑忙恰得中

初冬早起寄夢得

前人

起戴烏紗帽行披白布裘爐温先煖酒手冷未梳頭早景  
烟霜白初寒烏鵲愁詩成遣誰和還是寄蘇州

春盡日天津橋醉吟偶呈李尹侍郎

前人

宿雨洗天津無泥未有塵初晴迎早夏落照送殘春興發  
詩隨口狂來酒寄身水邊行鬼我橋上立逡巡疎傳心情  
老吳公政化新三川徒有主風景屬閑人

洛下閑居寄山南令狐相公

前人

已收身向園林下猶寄名於祿仕間不鍛絀康彌懶靜無

金疎傳更貧閑支分門內餘生計謝絕朝中舊往還唯是

相君未忘得時思漢水夢巴山

元微之新除浙東觀察喜得相一作抗隣一作前人

稽山鏡水歡遊地一作角犀帶一作金章榮貴身官職比居雖校

小封疆與我且為鄰郡樓對望一作千山一作月江界平

分兩岸春杭越風光詩酒主相看更合與何人

花前有感兼呈崔相公劉郎中

前人

落花如雪鬢如霜醉拾一作花看益自傷少日為文一作名

多檢束長年無興可顛狂四時輪轉春常少百刻支分夜

苦長何事共同一作王子歲老於崔相及劉郎一作余與崔

獨早  
兼白

待中晉公欲到東洛先蒙書問期宿龍門思往

感今輒獻長句

前人



昔蒙興化池頭送大和三年春居易檢賈客分司東今時  
龍門潭上期聚散但慙長見念榮枯安敢道相思功成名  
遂來雖久雲卧山遊去未遠聞說風情筋力在只如初破  
蔡州時

寄荆集作南淮南二相公前人

故交海內只三人兩集作座巖廊一卧雲老愛詩書應是  
集作還似我榮兼將相不如君百年膠漆初心在萬里煙霄中  
路分阿閣寫鳳一集何野田鶴誰集作人信道舊同羣

縣西郊秋寄贈馬造集作前人

紫閣峯西清渭東野煙深處夕陽中風荷落一作葉蕭條  
綠水蓼開集作花寂寞紅我厭官遊君失意可憐秋思兩  
心同

見于給事暇日上直寄南省諸郎官詩因以戲

贈此詩已見一百九十一卷前人

夜宿江浦聞元九集作改官因寄此什前人  
君遊丹陛已三遷我泛滄浪欲二年劍佩曉趨雙鳳闕煙  
波夜宿一漁船交親盡在青雲上鄉國遙拋白日邊若報  
生涯應笑殺結茅栽芋種畬田

江樓晚眺景物鮮奇吟翫成篇寄水部張籍前人

澹煙疎雨間斜陽江色鮮明海氣涼蜃散雲收破樓閣虹  
殘水照斷橋梁風翻白浪花千片鴈破集作晴天字一行  
好着丹青圖畫集作取題詩寄與水曹郎

立秋夕涼風忽至炎暑稍消即事詠懷寄汴州  
節度使李二十尚書前人

嫋嫋簷樹動好風西南來紅缸霏微滅碧幌飄颻開披



襟有餘涼拂簟無纖埃但喜煩暑退不惜光陰催河秋  
稍清淺月午方徘徊或行或坐卧體適心悠哉美人在浚  
都旌旗繞樓臺雖非滄溟阻難見如蓬萊蟬迎節又換鴈  
送書未迴君位日寵重我年日摧頽無因風月下一與共  
持盃集作一筆  
平生盃

同夢得暮春寄賀東西川二揚尚書 前人

龍節對待真可愛鴈行相接更堪誇兩川風景同三月千  
里江山屬一家魯衛定知懸氣色潘揚亦覓有光華子與  
二公

寄贈元九

前人

自我從官遊七年在長安所得唯元九集作  
君乃知定交難  
豈無山上苗徑寸無歲寒豈無要津水咫尺有波瀾之子  
異於是久要集作  
處誓不諼無波古井水有節秋竹竿

一為同心友三及芳歲蘭花下鞍馬遊雪中盃酒歡衙門  
相逢迎不具帶與冠春風日高晴秋月夜深看不為同登  
第集作  
科不為同署官所合在方寸心中集作  
源無異端

贈吳舟

前人

巧者力若集作  
苦勞智者心若愁集作  
苦憂愛君無巧智終歲閑  
悠悠掌登御史府亦佐東諸侯手操糾謬簡心運波勝籌官  
途似風水君心如虛舟汎然而不有進退得自由今來脫象  
冠時往侍龍樓官曹稱心靜居處隨跡幽冬負南榮日支  
體甚溫柔夏臥北窓風枕席如涼秋南山八舍下酒甕在  
床頭人間有閑地何必隱林丘顧我愚且昧勞生殊未休  
一入君集作  
金門直星霜三四周主恩信難報近地徒久留  
終當乞閑官退與夫子遊

潯陽歲晚寄元八郎中慶三十三員外 前人



閱水年將暮燒金道未成丹砂不肯死白髮事須生病肺  
慙盃滿衰顏忌鏡明春深舊御夢歲晚故交情一別浮雲  
散雙瞻列宿榮螭頭塔下立龍尾道前行封事頻聞奏除  
書數見名虛懷事僚友平步取公卿漏盡鷄人報朝迴女  
使集作切女迎可憐白司馬老大在潞城

醉贈劉二十八使君

前人

為我飲盃添酒飲與君把筋擊盤歌詩稱國手徒為爾命  
壓人頭不佞何舉眼風光常寂寞滿朝官職獨蹉跎亦知  
合被才名折二十三年折太多

初到忠州贈李大夫

前人

好在天涯李使君江頭相見日黃昏吏人生梗都如鹿市  
井疎蕪只抵村一隻葉舟當駟步百層石磴上州門更無  
平地堪行處虛受朱輪五馬恩

歎春風兼贈李二十侍郎

前人

樹根雪盡催花發池畔集作岸冰消放草生唯有鬢霜依舊  
白春風於我獨無情

寄嶺南張明府

殷堯藩

春草正萋萋知君過惡溪鷺將吉日語猿共裸然啼別路  
菟先斷還家夢幾迷定尋雷令劔應識越王笄樹色多於  
北潮聲少向西柳花好為酒誰伴醉如泥

文苑英華卷第二百五十八

登仕郎胡

柯

鄉貢進士彭

叔夏

校正



文苑英華卷第二百五十九

詩一百九

寄贈十三

孟郊九首

張籍十二首

李廓一首

章孝標六首

賈島二十三首

擢第後東歸書懷獻坐主呂侍郎 孟郊

昔歲辭親淚今為戀恩泣去住情難並別離景易戢天矯

大空鱗曾為小泉蟄幽意獨沉時震雷忽相及神行既不

宰直制集作致非所執至運本遺功輕生各一作若自立大君

思此化良佐自然集寶鏡無私光時文有新習慈親誠集作誠

志就賤子歸情急擢第謝靈臺牽衣出皇邑行襟海日

曙逸抱江風入蕪葭綠波浪芙蓉紅岸濕雲寺勢動搖山

鍾韻噓吸舊遊期再踐懸水得重挹松蘿雖可居青紫終



當拾

以下九篇並見集本

贈裴樞端公

前人

君子量不極，曾吞百川流。嫉邪霜意氣，直問客春

辭。柔日戶晝暉，靜月杯宵景。幽詠驚芙蓉，發嘯激風飈。秋

寫步獨無侶，鶴音清。寡傳幸霽分，寸顧散此千萬憂。

右意贈梁補闕

前人

曲木忌日影，讒人畏賢明。自來照燭間，不受邪佞輕。

不有百煉火，孰知寸金情。銅鈛正同鑄，願分麤與精。

集作金鈛正銅鑪願分精與麤以避精字

贈章仇兵馬使

集作大隱詠章仇將軍長奔功守貧

前人

飲君滄海心，誰能辨淺深。揖君高山岳，誰能

齊嶽岑。東海精為月，西岳氣疑金。進則萬景盡，退則羣物

陰。吾欲薦此言，天門峻沉沉。風飈亦感激，為我颼颼吟。

上河陽李大夫

前人

上將秉神略，至兵無血。威三軍當嚴，冬一撫勝重衣。

寒劍奪衆景，夜星失長輝。蒼鷹獨立時，惡鳥不敢飛。

武牢鎖天關，河橋紐地機。大君奚以安，守此稱者稀。

貧士少顏色，貴門多輕肥。試登山岳高，始見草木微。

山岳思既廣，草木心皆歸。

奉贈蘇州常使君

前人

謝客吟一聲，霜落羣聽清。文含元氣柔，鼓動萬物輕。

嘉木依性植，曲枝亦不生。塵埃徐庾詞，金玉曹劉名。章句

作雅正，江山益鮮明。蘋萍一浪草，菰蒲片池榮。曾終

康樂詠，如今攀其英。顧惟菲薄質，亦願將此行。

大隱詠崔從事，鄭以正，際官

前人

古人流清風，千載遙贈君。破松見貞心，裂竹見直紋。



殘月色不改高賢德常新家懷詩書富宅抱草木貧安排  
一泉深集作文得未化千尺鱗含意永不語釣璜豈水濱

題陸鴻漸上饒州新開山舍

前人

驚彼武陵狀移歸此巖邊開亭擬貯雲鑿石先得泉嘯竹  
索集作清吹吟花詩集作新篇乃知高潔情擺落區中綠

贈韓愈

前人

何以定交契贈君高山石何以實貞資集作保貞堅文粹作保貞妍又作寶貞賢贈君  
青松色貧交過此外無可相彩飾更有石集作聞鼠詩吟之

堪淚滴集作空滴其集作鼠既穿墻又齧機上絲穿墻有闕

土齧機無餘絲集作蓋更押兩絲字朝吟枯桑拓暮泣空杼

機豈是無巧妙絲斷將何施衆人尚肥華志士多饑羸願

君保此節天意當察微

登城寄王祕書建

張籍

聞君住鶴嶺西望自集作依依遠客偏相憶登城獨不歸

十年為道侶幾處共柴扉今日煙霞外人間得見稀

以下三篇並見集本

寄昭應王中丞

前人

借得街西宅開門御集作水頭長貧唯要健漸老不禁愁

獨凭藤書案空懸竹酒菊春風石甕寺會擬待集作君遊

贈姚合少府

前人

病來辭赤縣案上有丹經為客燒茶竈教兒掃竹庭集作

詩成添舊卷酒盡卧空瓶闕下今遺逸誰占集作隱士一作星

舟行寄李湖州

前人

客行集作無次第川路動集作辛勤藻密每行遊集作藻密行舟遊

灣多檝轉頻集作薄遊空感惠客集作計自憐貧賴誦

有一作汀洲句一作問時時慰遠人



此詩二百九十三卷重出今已削去注異同為一作

詩懷寄王祕書

前人

白髮如今欲滿頭從來一作前百計集作事盡應休唯集作祇於

觸事集作目須防病不擬將心更養愁下藥遠求新熟酒看

山多上最高樓賴君同在京華內集作城內每到花時免獨遊

贈王祕書

前人

不曾浪出謁公侯唯向花間水畔遊每酌新泉看藥竈多

收古器在書樓有官只作山人老平地能開洞穴幽自顧

閑思無別事集作自領閑司了無事得來君處喜相留

寄白二十二舍人

前人

早知內詔過先輩躋蹬江南百事疎湓浦城中為上佐爐

峯寺後着幽居偏依仙法多求藥長共僧遊不讀書三省

此來名望重肯容君意集作去樂樵漁

寄蘇州白二十二使君

前人

三朝出入紫微臣頭白金章未在身登第早年同座主題

書今日是集作吳州人間門柳色煙中遠茂苑鶯聲雨後新

此處吟詩向山寺知君望斷集作忘却曲江春

寄元負外

前人

外郎直罷無餘事歸洒書堂對藥爐門巷不教當鬧市集作要鬧

詩篇轉覓足功夫月明臺上惟僧到夜靜坊中有酒沽朝

省入頻閑日少可能同作舊遊無

贈趙將軍

前人

當年膽略已縱橫每見妖星氣不集作未平身貴早登龍尾

道功高自破鹿頭城尋常得對論邊事委曲承恩長內兵

會取安西將報國凌煙閣上早集作大書名

贈賈島

前人



籬落荒涼僮僕飢樂遊原上住多時蹇驢放飽騎將去集作出  
秋卷裝成寄與誰拄杖傍田尋野菜封書乞米趁朝炊姓  
名未上登科記身屈唯應內史知

贈商州王使君

前人

銜命南來會郡堂却思朝裏接班行才雄猶是山城守道  
薄初爲水部郎選勝相留開客館尋幽更引道僧房明朝  
從此辭君去獨出商關路漸長

上令狐舍人

李廓

名引集作利生愁地貧居歲集作逐月移買書添架上斷酒逐  
過集作花時宿客嫌吟苦飛童恨睡遲近來唯儉靜將此答  
深知

思越州山水寄朱慶餘

章孝標

窻戶潮頭雪雲霞鏡裏天鳥桐秋送雨江艇暮搖煙藕拆

蓮牙脆茶桃茗薺鮮還將歐冶劍更淬若耶泉

蜀中上王尚書

前人

梓桐花暮碧雲浮天許文星寄上頭武略詔環輝

一作劍銜環

相府詩情錦浪浴山州丁香風裏飛戍草切竹煙中動酒  
鈎自古高名閣不得肯容王粲賦登樓

贈劉侍郎子弟三人一時及第 前人

文動星辰衣綵霞問誰兄弟是劉家鴈行雲接參差翼庭  
樹風開次第花天假聲名喧日月國憑騷雅變浮華曾看  
晉漢儒家一作流傳龍虎雖多不足誇

題東林寺寄江州李負外

前人

山勢稜層入杳冥寺形高下起山形象牙牀生蓮花佛瑪  
瑙函盛貝葉經日映砌陰移寶閣風吹天樂動金鈴門前  
更有清江水便是潯陽太守廳



錢塘贈武侍御翊黃

前人

曾將心劍作戈矛一戰名場造化愁花錦文章開四面天

人科第上集作三頭鴛鴻待侶飛清集作禁作水綠集作

情住外州時伴庾公看海月好詩吟斷望潮樓

贈陸宅漸西進詩除官 前人

帝城雲物得陽春水國煙花失主人昨日天風吹樂府六

宮絃管一時新 賈島

再投李益常侍

何處初投刺當時赴尹京淹留花木變然諾肺腸傾避暑

蟬移樹登高鴈過城人家嵩岳色公府洛河聲聯句逢秋

盡嘗茶見月生新衣裁白紵思從曲江行

寄錢庶子 前人

曲江春水滿北岸集作捲集作柴關祗有僧隣舍全無物映山

樹陰終日掃詩債集作藥價集作隔年還猶記聽琴夜寒燈竹屋間

宿姚合宅寄張司業 前人

閑宵因集會柱史話先生身愛無一事心期往四明松枝

影搖動石磬響寒清誰伴南齋宿月高霜滿城

黃子波上韓吏部 前人

石樓云一別二十三春相逐升堂者幾為埋骨人涕流

聞集作染集作瘴病起賀還秦曾是今集作動道非唯郵在屯

疎衣蕉綫細爽味茗芽新鍾絕滴殘雨螢多無近隣溪潭

承到數位秩見辭頻若箇山招隱機忘任此身

喜姚郎中自杭州迴 前人

路多楓樹林累日泊清陰來去泛流水儵然適此心一披

江上作三起月中吟東省期司諫雲門悔不尋

贈李金州 前人



綺里詞前後山程殘白雲泝流隨大旆登岸見全軍曉角  
吹入夢秋風卷鴈羣霧閣方露日漢水底沙分

寄宋州田中丞

前人

古郡近南徐關河萬里餘相思深夜雨集作未答去年秋  
書自別知音少難忘識面初舊山期已久門掩數畦蔬

寄劉侍御

前人

衣多苔蘚痕猶擬更趨村集作門自夏雖無病經秋不過原  
積泉留代鴈壘岫集作嶼隔巴猿琴月西齋集如今豈復言

秋暮寄友人

前人

寥落關河暮霜風樹葉低遠天垂地外寒日下山西有志  
煙霞切無家歲月迷清宵話白閣已負數年棲

寄胡遇

前人

一自殘春別經炎復到涼螢從枯樹出蛩入破堦藏落葉

書勝紙開砧生當床東門因送客相訪也何妨

寄武功姚主簿

前人

居枕江沱北情懸渭曲西數宵曾夢見幾度得書批駟路  
穿荒板公田帶淤泥靜茶功奧妙閑作韻清淒鋤草留叢  
藥尋山上栢集作石梯客迴河水漲風起夕陽低空地苔連  
井孤村火隔溪卷廉黃葉落鏤印子規蹄隴色澄秋月邊  
聲入戰輦會須過縣去况是屢招携

重與彭兵曹

前人

故人在城裏休寄海邊書漸去老不遠別來情豈踈硯冰  
催臘日山雀到貧居羨有平戎計官家集作蒙別勅書一作官名

勅書除前已押書字

寄賀蘭朋吉

前人

往往東林下花香似火焚故園從小別夜杵集作雨近秋聞



野萊連寒水枯株簇古墳泛舟同遠客尋寺入幽雲斜日  
扉多掩荒田徑細分相思蟬幾處偶生蝶成羣會宿曾論  
道登高省議文苦吟遙可想邊葉向紛紛

上邠寧邢司徒

前人

箭頭破帖全集作無敵杖底敲毬遠有聲馬走千蹄朝萬  
乘地分三郡擁雙旌春風欲盡山花發曉角初吹客夢驚  
不是邢公來鎮此長安西北未能行

處州李使君改任遂州因寄贈

前人

庭樹幾株陰入戶主人何在客聞蟬鑰開原上高樓鎖瓶  
汲池東古井泉因起集作野禽曾後到休吟隣叟始安眠

仙都弱集作

水誰能憶西去風濤書滿船

投龐少尹

前人

閉戶息機搔白首中庭一樹有清陰年年不改風塵趣日

日轉多泉石心病起望山臺上立覓來聽雨燭前吟龐公  
相識元和歲眷分依依能至今

賀龐少尹除太常少卿

前人

太白山前終日見十旬假滿擬秋尋中峯絕頂非無路北  
闕除書又入林朝謁此時閑野屐宿齋何處正鳴砧省中  
石磴陪隨步唯賞烟霞不厭深

贈翰林學士

前人

清重可過知內制從前禮絕外庭人看花在處多隨駕召  
宴無時不覲集作身馬自賜來騎覓穩詩緣見徹語長集作  
新應憐獨向名場若曾十餘年浪度集作春

寄韓潮州

前人

此身集作曾與木蘭舟直到天南潮水頭隔嶺篇章來華  
岳出關書信過瀧流峯懸驛路殘雲斷海浸城根老樹秋一



夕瘴煙風卷盡月明初上浪西樓

黎陽寄姚合

前人

魏都城裏遊從熟才子齋中止泊多去日綠楊垂紫陌歸  
時白草映集作黃河新詩不覓千迴詠古鏡還曾集作曾

番磨凋悵心思滑臺北蒲盃濃酒與愁和

三月晦日贈劉評事已見一百五十七卷

前人

戲贈友人

前人

一日不作詩心源如廢井筆硯為輓轡吟詠作縻綆朝來  
重汲引依舊得清冷書贈同懷人詞中多苦辛

寄遠

前人

別腸多鬱紆豈能肥肌膏始知相結蜜不及相結踈踈別  
恨應少蜜離恨難祛門前南流水中有北飛魚魚飛向北  
海可以寄遠書不惜寄遠書故人今在無沉此數尺身阻

彼萬里途自非日月光難以知子軀

文苑英華卷第二百五十九

登仕郎胡

柯

鄉貢進士彭

叔夏

校正



文苑英華卷第二百六十

詩一百十

寄贈十四

姚合十三首

于武陵四首

朱慶餘八首

厲玄一首

釋無可七首

劉得人十九首

贈太祝張籍

姚合

絕妙

集作妙絕

江南曲淒涼愍女詩古風無手敵新語是人知

飛動終由格工夫過却奇儒書參雜集作添集卷樂府換歌詞

李白應先拜集作許劉楨必有集作自疑貧須君子救病合國

家醫野老集作客開山借隣僧與米炊其窮集作貧辭聘幣依

選授集作受官資多見愁連曉集作晚稀聞債盡時聖朝文墨

物集作盛太祝獨低眉以下十三篇並見集本惟寄李使君一篇集無

贈王建司馬

前人



久向空門隱交親亦不知文高輕古語集作官冷似前資  
老孝集作僧齋健負還藥價集作還仙方小字寫行坐把  
相隨

寄李頻

前人

性疎常似病集作閑院集作長庭莎朋友來看少詩

書卧讀多命隨才苦集作薄愁與酒集作相和珍重君名

字新登甲乙科

寄王度

前人

麒麟王居士顛狂不稱時天公與貧病時輩便集作輕欺

茅屋隨時賃集作盤食逐日移集作棄嫌官似夢敬集作

重酒如師無竹栽盧看思山疊石為靜窓邀客睡集作留

古寺負僧暴瘦馬寒來死羸童餓得癡唯尋阮籍傳集作唯應

尋阮集作心事遠相知

寄賈島

前人

漫向城中住兒童不識錢甕頭寒絕酒甕額曉集作無煙

狂發吟如哭愁來坐似禪新詩有幾首旋被衆傳

寄李群玉

前人

九衢名與利無計擾閑人道遠輕欺世才高貴重身石脂

稀勝浮玉粉細於塵骨換肌膚賦心虛集作氣色貞嵩山

高到日洛水暖如春居住應安穩黃金幾竈新

書懷寄友人

前人

精心奉北宗微官在南宮舉世勞為適開門事不窮年來

復幾日蟬去又鳴鴻衰疾誰人問閑情與酒通四隣寒稍

靜九陌夜方空知老何山是愚歸幽集作谷中

寄裴使君

前人

新詩盈道路清韻似敲金調客江山峻功夫日月深蜀賧



方入寫越客始銷吟後輩難知處朝朝枉用心

寄絳州李使君

前人

獨施清靜化千里管橫汾黎庶應深感朝廷亦細聞心期  
在黃老家事是功勳物外須仙侶人間要使君花多勻地  
落疑山近滿廳雲戎客無因去西看白日曛

寄陸渾縣尉李景先

前人

微俸應集作還請唯君獨自閑地偏無驛路藥賤管仙山  
月色生松裏泉聲在石間吟詩復飲酒何事共相關

奉寄集作東都留守令狐相公前人

除書集作官東守洛陽宮恩比藩方任更雄拜表出時傳七  
刻排班衙日有三公旌旗嚴重臨關外侍府集作庭宇清深接

禁中三十六峯詩酒思朝朝閑望與誰同

寄東都分司白賓客

前人

關下高眠過十旬南宮印綬乞離身詩中得意應千首海  
內嫌官只一人賓客分司真是隱山泉遶宅豈辭貧竹齋  
晚起多無事唯到龍門寺裏頻

寄狄文粹拾遺時魏州從事

前人

少在兵馬間長還繫戎職鷄飛不得遠豈要生羽翼三年  
城中遊與君最相識應知我衷腸不苟念衣食主人樹勳  
名欲滅天下賊愚雖乏智謀願陳一夫力人生須氣健飢  
凍縛不得睡當一席寬覺乃千里窄古人不懼死所懼死  
無益至交不可合一合難離拆君嘗相勸勉苦語毒曾聽  
百年心知聞誰恨集作河南北

贈賣松人

于武陵

入市雖求利憐君意獨貞欲將寒澗樹賣與翠樓人瘦葉  
幾經雪淡花應少春長安重桃李徒染六街塵



友人南遊不迴因而有寄

前人

相思春樹綠千里亦依郭杜月頻滿瀟湘人不歸桂花  
風半落煙草蝶雙飛一別無消息水南車亦稀

早春日山居寄城郭知己

前人

陽和潛發蕩寒陰便使川源景象深入戶風泉聲瀝瀝當  
軒雲岫自沉沉殘雲帶雨輕飄雪嫩柳含煙小綻金雖有  
眼前詩酒興遨遊爭得稱心閑

寄友人

前人

長安清渭東遊子迹重重皆是紅塵路難尋君馬蹤昔特  
輕一別漸老遺相逢應忘嵩陽住嵩陽有古松

孔尚書致士

因而有寄贈

朱慶餘

高人心曷足三表乞身閑與世長集作因踈索唯僧得住還  
直聲留闕下生計在林間時復逢晴集作清景乘車看遠山

上汴州

集作淮南

令狐相公

前人

罷相恩猶在那容處靜司政嚴初領節名重更因詩公事  
処營後戎裝拜勅時恭聞長與善應念出集作合在身邊

贈

集作題

王秘書

前人

唯求賣集作買藥價此外更無機扶病看紅葉辭官着白衣  
斷籬通野徑高樹陰隣扉時復留僧宿餘集作遊人見亦稀

上江州李員外

前人

起家聲望重自古更誰過得在朝庭少還因諫諍多經年  
愁瘴癘幾處相一作遇思波入境無餘事唯聞父老歌

賀張水部員外拜命

前人

脊中官最美無似水曹即前代佳名遜當時重姓張白鬢  
吟麗句紅葉吐朝陽徒有歸山意君恩未可忘

發汴州寄田少君

前人



識君心未半意欲往經秋見酒聯詩句逢花跋馬頭別來  
唯獨宿夢裏尚同遊所在未食過無因解得愁

上張水部

前人

出入門闌久兒童亦有情不忘將姓字長說向公卿每許  
連牀坐時容並馬行恩深轉無語懷抱自分明

贈江夏盧使君

前人

詩人中最屈無與使君儔白髮雖求退明時合見收登山  
猶自健縱酒可多愁好是能騎馬相逢見鄂州

寄婺州温郎中

時刺睦州

厲玄

積雪沒蘭溪隣州望不迷中波分鴈宿樹抄接猿啼婺女  
家空在星郎手未携故山新寺額掩泣荷重題

中丞拾宅為寺郎中

為題寺額故有此句

贈王將軍

釋無可

勳高絕少年分衛王階前雄勇明王重温恭執友賢功書

唐史闕

集作闕

名到虜庭偏劍彩浮龍影衣香襲御煙搜書

秋霽閣走馬夕陽用急免投深草賸鷹下半年野人盈邸

第朝客醉盤筵位在集作立將軍客官隨憲府遷刻心思報

國吁氣欬聞邊選帥如公議須知少比肩

寄羽林盧大夫

將軍

集作焚香

耀金

集作黃金

里追

集作馬隨

前人

將軍直禁園一作闕繡服耀金羈羽衛九天靜英豪四塞知

望雲回朔鴈隔水射宮麋一作聽水舊國無歸思秋堂夢

戰時門風荀氏敵劍勢霍家推計日旌旄下蕭蕭萬里追

書事寄萬年厲員外

前人

帝城皆劇縣令尹美居東遊拜趙張下雙離星象中擁歸

從北闕送上動南宮舉起貧中日軀行草上風不驚盧大

集作閣

吠漸見夏臺空紫禁黃山遠滄溟素滻通封疆親

盧鵠



日月邑里出王公逐盜千門啓興祥五稼豐胥徒迎曉集  
賦稅共秋終條教闢天道歌謠入聖聰土膏寒麥覆人海  
書塵蒙扉宇松連翠朝街火散紅文塲新桂茂粉署舊闌  
宗留客揮盈爵抽毫詠早鴻公與諸文士  
幾早鴻詩也前驪潘兵貴故  
里邵平窮勸隱蓮峯久朝耕樹谷同華山約同  
歸鳥飛將去  
葉劍氣尚埋鄼一作  
豐何必華陰土方垂拂拭功

寄姚諫議

寂寞

集作  
籍籍

前人

鳴鞭靜路塵寂寞諫垣臣函疏封還集作  
舜專竈爐香立獨親

篋多臨水作急宿卧雲人危坐開寒紙燈前起草頻

大理正任三所和江淹擬直三章寄示

前人

不啻迴青眼應疑似碧雲古風真往哲雅道監朝聞活獄

威豪石銷時賴典墳如何經濟意未克致吾君

寄殿院薛侍御

前人

名高意轉

集作  
本

閑牆似日

集作  
俗自

難攀佐蜀連錢出朝天

解豸還回

集作  
翰通

清院彈奏迴離班僧道休揮翰開軒復解

顏

集作  
留僧畫  
掩關

秋中聞馬戴遊華山因寄

前人

三峯待秋上鳥外掛衣巾獨見無窮境應非暫住集作  
住身

水寨仙掌露雲住

集作  
林靜

華陽人欲問壇邊月尋思缺復新

上翰林丁學士

劉得仁

今代如堯代徵

一作  
崇

賢察衆情久聆推行實然後佐聰明

官自文華重恩因顧問生詞人求作稱天子許和羹御柳

周霜晚宮泉滴月清直廬寒漏近秋燭白麻成玉殿移集作  
多

時對金輿集作  
階數侍行賜衣香未散借馬色難名時輩何

偏羨儒流此最榮終當聞燹理寰海未昇平

登地山中舒懷寄上丁學士

前人



五字投精鑒慙非大雅詞本求閑賜覽豈料便蒙知幽拙  
欣殊幸提携更不疑弱苗須雨長懶翼在風吹礪鏃端陽  
葉光門待桂枝計聞塵裏譽因和禁中詩學士有禁中詩  
早春曾命和

上姚諫議

前人

高文與盛德皆謂古無倫聖代生才子明庭有諫臣已瞻  
龍袞近漸向鳳池新却憶波濤郡來時島嶼春名因詩句  
大家似布衣貧曾暗投新軸頻聞獎滯身照冷清夕月送  
藥紫霞人終計依門館何疑不化鱗

陳情上李景讓大夫

前人

一被浮名誤族遭白髮侵徘徊戀明主夢寐在秋岑遇物  
唯多感居常只是吟待時鈴定口經事壓低心辛苦文場  
久因緣戚里深親弟大中  
元年尚主老迷新道路窮一作賣舊園林  
晴賞行聞水宵碁坐見參龜留閑去問僧約偶來尋望喜

潛憑鵲娛情願有琴此生如遂意誓死報知音上德憐孤  
直唯公拔陸沉丘山恩忽被螻蟻力難任作鑒明同日聽  
言重若金從茲更無報一作翹足俟為霜

上丁學士

前人

何處訪岐路青山但憶歸風塵數年限集作恨門館一生依  
外族帝王是中朝故一作親舊稀翻今浮議者不許九霄飛

贈雍陶博士

前人

腹是郎書笥官為六義師情高少塵事朝下足閑時有句  
同人伏無私胃子知漢庭公議在正與觸邪宜

和鄭先輩謝秩閑居寓書所懷

前人

西風日夜吹萬木共離披近甸新晴後高人得意時  
心亦忝論道面難期把筆還詩債將琴當酒資藍衫懸行  
桁烏帽掛松枝名占文章重官歸諫憲遲生涯貧帝里公



議到台司室冷沾苔蘚門清絕路岐莫言隣白屋即賀立  
丹墀豈慮塵埃久雲霄故有期

夏日感懷寄所知

前人

了了見岐路欲行難負心趨時不圓轉自古易湮沉日正  
林方合蜩鳴夏已深中郎一作蔡邕今遠在誰識爨桐中集作音

病中晨起即事寄場中往還

前人

昨日離塵裏今朝懶已成豈能爲久隱更欲泥浮名虛牖  
晨光白幽園曉氣清戴沙尋水去披霧入林行疊葉孤禽  
在初陽半樹名桑麻新雨潤蘆荻古波聲易向田家熟元  
於世路生病多三徑塞吟苦四憐驚

陳情上知己

前人

性與才俱拙名場迹甚微久居顏益厚獨立事多非刻骨  
搜新句無人憫白衣明時自堪戀不是不知集作機

秋夜寄友人

前人

永夜無地慮長吟畢二更暗燈搖壁影滯雨滴塔聲道進  
愁還淺年加睡自輕如何得深術相與拾浮名集作榮

寄春坊顧校書

前人

寧因不得志寂寞本想宜瞑目冥心坐花開葉合集作花落時  
數畦蔬甲出半夢鳥聲移只恐龍樓曉集作更歸山又更

一作遠

寄雍陶先輩

前人

久別青雲士幽人分固然愁心不易去蹇步辛難前畫落  
經霜葉頻陰欲雪天歸山自有限豈待白頭年

寄友人

前人

所思同海岱所夢亦煙波點坐看山久閑行值寺過獨吟  
黃葉亂相去碧峯多幸一作我有歸心在君心意若何



對日寄雍陶

前人

圓明寒魄上天地一光中  
臨水通宵坐知君此興同  
華凝衣有露靜極樹無風  
若向湘江見湘江見底空

喜顧非熊上第其年内素文章

前人

愚為童稚時已解愛君詩  
恠得高科晚須逢聖主知  
花前翻有淚鬢上却無絲  
從此東西集作去休為墜葉期

寄謝觀

前人

十五年餘苦今朝始遇君  
無慙於白日不狂別孤雲  
得失天難問稱揚鬼亦聞  
此恩銷鏤骨吟坐葉紛紛

贈敬旺助教二首

前人

到來常聽說清虛手把玄  
元七字書仙籍不知名姓  
有道情唯見往來疎已能  
絕粒無飢色早晚休官買  
隱居便欲去隨為弟子片  
雲孤鶴肯相於

二

街西靜觀未居處不到權  
門到寺頗禁掖人知連狀  
薦國庠官滿一家貧清儀  
都道一作蓬瀛客直氣堪為  
諫諍臣自顧無成年漸長  
報恩唯願殺微身

文苑英華卷第二百六十

登仕郎胡

柯

鄉貢進士彭

叔夏

拔正







